

Hebreos

¹ Panopu Cohãcjũ ijiahye. Tiquiro peye tahari mari acayere panopu cjẽnare tiquiro yere yahuahye. Apequinare tiquiro bajuaro yahuahye. Apequinare quehẽnopu yahuahye. Apequinare tiquiro piti caro yahuahye. Tiquiro yere yahu m̃h̃tariquinare yahu dutiro, sa yahuahye tiquiro mari acayere. ² Yojopure pihtiri deco panogã ijiye decorire tiquiro mac̃nore tiquiro yere yahu dutigũ tiquiro pehe marine yahue tiri. Tiquiro Pacuro ye dutiro mehna ahri yehpare, ʘhm̃use gũh̃ure yeriquiro ijire. Tiquiro Pacuro pehe pihtiri deco ijigũ ijipihtiyere c̃oatiquirore cũahye tiquiro mac̃nore. ³ Sa yero tiquiro mac̃no pehe tiquiro Pacuro ye asi siteyere c̃oriquiro ijiro, tiquiro tutuayere marine ih̃nore. Sa yero ihcãno saha tiquiro Pacuro yero sahata ijiro, tiquiro Pacuro ijiye tiyere marine ih̃nore tiquiro mac̃no. Sa yero tiquiro mac̃no tiquiro tutuaye mehna dutigũ ahri yehpa, ʘhm̃use gũh̃ sa ijiducure. Sa yero mari ñano yerire tiquiro coseri bato ʘhm̃usepu tiquiro Pacuro tutua ỹhd̃h̃ariquiro poto pehe dujiahye, p̃htoro tiquiro ijiyere ih̃ono.

Cohãcjũ mac̃no angele ỹhd̃h̃oro ijire

⁴ Tiquiro “Cohãcjũ mac̃no”, wame tire. Ti wamene Cohãcjũ cũahye tiquirore. Sa wame tiro apequina p̃htoro ijire. Sa yero tiquiro angele ỹhd̃h̃oro ijire. ⁵ Tiquiro yequina angele pehere Cohãcjũ ne ohõ saha ni yahuera tiahye:

Yũhũ macũ ijire mũhũ. Miare mũhũre bajuagũ yei,
niahye Cohãcjũ tiquiro macũnore.

Angele pehere ne sa ni yahuera tiahye. Sa yero
tiquinare ahri gãhũre ne yahuera tiahye:

Tiquiro Рачũro ijĩitja yũhũ. Sa yero tiquiro
yũhũ macũ ijirota, niahye Cohãcjũ tiquiro
macũnore.

Angele pehere ne sa ni yahuera tiahye. Sa
yero tiquiro macũno tiquina yũhdũoro ijire. ⁶ Sa
yero ape taha tiquiro macũnore coã masa ba-
juariquirore ahri yehpapũ cũno ohõ saha niahye
Cohãcjũ tiquirore:

Ijipihtiyequina yeequina angele dũsepe curi
mehna quehe sa, ño peoeta tiquina yũhũ
macũre, niahye tiquiro.

⁷ Sa yero tiquiro yequina angele pehere yahuro
taro ohõ saha niahye tiquiro:

Yeequina angelere wihnono yero saha pagũ tigũ
yeaja yũhũ. Tiquina yũhũ cahacjẽna ijire. Sa
yegũ tiquinare peca pohna yero saha pagũ
tigũ yeaja yũhũ, ni yahuahye Cohãcjũ.

⁸ Tiquinare sa nieperota tiquiro macũno pehere
ohõ saha niahye:

Mũhũ Cohãcjũ ijipihtiyequina pũhto sa
ijiducugũta. Queoro dutigũta mũhũ, mũhũ
yequinare. ⁹ Ni mehono marieno yeyere,
quehnoano yeyere tutuaro cahmene mũhũ.
Sa yegũ ñañe yeyere ihña yabire mũhũ.
Mũhũ sa ijigũ ihñagũ yũhũ mũhũ Рачũ
ijipihtiyequina arequina yũhdũoro mũhũre
bucuegũ yei, niahye Cohãcjũ mari Рачũ.

¹⁰ Ahri gãhũre niahye tiquiro, tiquiro macũnore
“Pũhto” ni pisuro:

Puhto, coã waropare ahri yehpare, umuse gũhure bajumehnedi mũhũ. ¹¹ Ti ijipihtiye comesa pihtia waharota. Mũhũ pehe ne comesasi. Sa ijiducugũta mũhũ. Ti ijipihtiye suhtiro ahba bora dijiaro saha pihtia waharota. ¹² Ti ijipihtiye umusere, ahri yehpa gũhure comesagũ yeita mũhũ. Mũnano suhtirore mũhũ cohãboro saha ti ijipihiyere comesagũ yeita mũhũ. Sa yero suhtiro ahba bora dijiaro saha ti ijipihtiye comesarota. Mũhũ pehe ne comesasi. Sa ijiducugũta mũhũ, niahye Cohãcjũ tiqiro macũnore.

¹³ Ne angele pehere ahrire yahuera tiahye mari Pacũ:

Yũhũ poto pehe dujiya mũhũ. Puhto ijire mũhũ. Sa yegũ mũhũre ihña tuhtiequinare yũhdũdũca basagũtja. Sa yegũ tiquina puhto ijigũta mũhũ, niahye Cohãcjũ tiqiro macũnore.

¹⁴ Ijipihtiequina angele pehe Cohãcjũ cahacjẽna ijire. Sa yero mari Pacũ ohore tiqiro yequina angelere Cristo yũhdũoatiquinare yedoho dutiro.

2

Cohãcjũ yere quehnoañe buheyere marine sa tũhotu cãhno cahmedare

¹ Sa yena Cohãcjũ macũno waro marine yahuriqiro tiqiro ijigũ masina tiqiro yahuyere mari tũhorire quehnoano wacũno cahmene marine, “Tire boari”, nina. ²⁻³ Angele yahurire masa pehe yũhdũdũcagũ ihñano Cohãcjũ tiquinare buhiri dahreahye. Sa buhiri dahrero angele tiquina yahuri poto ijigũ ihñono niahye. Sa yena

angele yahuri poto ijigã masina, tire marine yãhtiro cahmene. Ti yãhdũoro Cristo pehere yãhtiro cahmene. Tiquiro mari pãhtoro marine tiquiro yãhdũoatire yahu mãhtahye. Sa ye tiquirore tãhoriquina pehe tiquiro yahurire marine yahu turiari, marine quehnoano masigã yee tehe. Sa yero ti buheyere marine tiquiro yãhdũoati buheyere mari sa tãhotu cãgã Cohãcjũ marine buhiri dahrerota. Tire duhti masiedaja mari.

⁴ Ti buheyere tãho mãhtariquina tiquina buheri watoa Cohãcjũ pehe ti buheye poto ijigã ihõono nidi. Tiquiro tutuaye mehna ihõono nidi. Sa yero peye tahari tiquiro tutuaye mehna ye ihõono ti buheyere poto ijigã ihõono nidi. Sa yero tiquiro yequinare tiquina ye masiatire tiquiro cahmeno sahata cũahye. Espíritu Santo pehe ijire marine ye masigã yeriquireo.

Jesucristo mari yero sahata pagã tiriquireo masa bajuahye

⁵ Pihtiri deco bato ijiyequina Cohãcjũ caha ijiyequina pãhtoa ijisi angele pehe. Tiquinare pãhtoa sõi mari Pacũ. ⁶ Sa yero ihcãquireo mari Pacũre tiquiro yahuducurire ohõ saha ni ojoahye panopũ:

Masa ihyo ijiyequina tiquina ijiepegũta tiquinare wacũre mãhũ. Masare quehnoano yere mãhũ. ⁷ Meheñe decorigã angele docapũ masare cũahye mãhũ. Sa cũepẽgũta yojopũre tiquinare tutuayere ohogũ, pãhtoa sõahye mãhũ. ⁸ Mãhũ sa sõgũ ahri yehpapũ ijiyequina wahiquina gũhũ bui dãhsaro

marieno masare cūahye m̄h̄h̄, niahye panop̄ c̄j̄no mari Pac̄re.

Sa s̄no ahri yehpap̄ ijiyequina wahiquina ḡh̄h̄ bui d̄hsaro marieno masare cūahye. Masare tiquiro sa p̄h̄toa s̄oep̄ḡta ijiptiyequina ahri yehpap̄ ijiyequina wahiquina masare ih̄na wah̄edar̄aga, ʉs̄ã t̄hotuḡ. Ahri yehpap̄ ijiyequina wahiquire ih̄na wah̄ḡ yeraniaga masa. Ijip̄tiye bui ijieraniaga masa. ⁹ Sa tiquire ih̄na wah̄ḡ yerap̄nata Jesu pehere wac̄u tutuaja mari. Meheñe decoriḡ angele docap̄ mari Pac̄ tiquiro mac̄no ḡh̄re cūahye, mari ñañe buhiri yariatiquirore. Mari Pac̄ marine cah̄no mari yariaborirore Jesure yariaḡ cahmeahye. Sa yero tiquiro sa yariaḡ ih̄n̄ano tiquirore tutuayere ohoro, p̄h̄toro s̄ahye tiquirore.

¹⁰ Coh̄c̄j̄ ijiptiyere bajumehnediquiro ijire. Sa ye ijiptiye tiquiro ye dihita ijire. Sa yero Jesure yaria dutiro ñañene coh̄ḡ yeahye tiquirore. Sa yeahye tiquiro masa peyequina tiquiro yequina ijiatiquinare ʉhm̄sep̄ neano taro. Jesu sa yero, ñañe marieniquiro, quehnoa ȳhd̄ariquiro tiquiro ijiyere ih̄no niahye. Sa yero Jesu pehe marine ȳhd̄oriquiro, mari p̄h̄torota ijire. ¹¹ Ijip̄tiyequina masare tiquina ñañe yerire cose were tiquiro. Sa yero Jesu mari tiquiro cose wenohrina mehna Pac̄ tire Coh̄c̄j̄re. Mari Pac̄ ih̄c̄quiota ijire. Mari Pac̄ tiquiro ijiḡ Jesu marine tiquiro yequire tiquiro cose wenohrinare “Ȳh̄ acaye ijire”, ni pisuro ne b̄e tierare. Tiquiro sa ni pisurire m̄sare yahutja.

¹² Oh̄ saha nino niahye tiquiro:

Cohãcjũ, mahũ ijiye tiyere yahutja yũhũ acayerũre. Ijipihtiyequina yeequina ihñonorũ mahũre ño peogũ “Tutuariquiro ijire”, ni yahutja yũhũ tiquinare, niahye tiquiro Pacũrore.

¹³ Ahri gũhũre niahye tiquiro:

Cohãcjũre wacũ tutuatja yũhũ, niahye tiquiro.

Ahri gũhũre niahye tiquiro:

Ohõ ijiaja yũhũ. Cohãcjũ pohne mehna ohõ ijiaja. Yũhũre tiquiro cũriquina yũhũ acaye mehna ohõ ijiaja, niahye tiquiro yequinare “Yũhũ acaye” ni pisuro.

¹⁴ “Tiquiro pohne” tiquiro niñequina pagũ tiyequina mari ijigũ ihñano, Jesu pehe mari ya pagũ saha pagũ tiriquiro ahtahye. Sa ijiriquiro ahtahye tiquiro curusapũ yariaro taro, watĩnore butigũ yero taro. Tiquiro watĩno pehe yaria dutiriquiro ijire. ¹⁵ Sa ye watĩnore butigũ yero, marine yũhdũore. Mari pehe decoripe mari yariatire cuemi. Sa cuerina ijina pecapũ wahaborina ijimi mari. Sa ijina mari ijigũ ihñano tiquiro marine yũhdũore. ¹⁶ Sa yũhdũoro angele pehere yedohoro ahtaerahye tiquiro. Abrahã panamena iji turianare Cohãcjũ yequinare mari pehere yedohoro ahtahye. ¹⁷ Sa yero tiquiro mari acayũro warota ahtahye. Ihcãno saha mari yero saha pagũ tiriquiro ahtahye. Sa ahtaro mari yũhdũatire mari ñaÑe yerire mari Pacũre cohã dutiro ahtaro niahye. Sa yero mari yequina pahia pũhtoa tiquina yeriro saha yero ahtaro niahye. Mari yero saha ijiro marine quehnoano paja ihñare. Sa yero Cohãcjũ cahmeno saha sa yeducuriquiro ijire. Sa yero tiquiro mari yaquiro pahia pũhtoro ijiro nine. ¹⁸ Tiquiro ñano yũhdũahye. Sa yero watĩno

tiqirore ñano ye dutimahye. Yerahye tiqiro. Sa ñañene yerariqiro ijiro, tiqiro pehe mari gũhure ñañene yeragũ ye masine. Watĩno ñañene tiqiro ye dutigũ ihñano marine ñañene yeragũ ye masine Jesu.

3

Jesu Moise yũhdũoro ijiriquiro ijire

¹ Jesu tiqiro sa ijiriquiro ijigũ ihñana tiqirore quehnoano wacũña mũsa. Yũhũ acaye Jesu yequina, Cohãcjũ besenohrina ijire mũsa. Tiquiro Jesu pehe Cohãcjũ cũriqiro ijiro mari yaqiro pahia pũhoro ijire. Tiquiro ye buheyere quehnoañe buheyere mari quehnoano ño peoaja. Tiquiro pehere quehnoano wacũña mũsa.

² Cohãcjũ tiqirore marine yũhdũoatiqirore tiqiro cũgũ tiqiro pehe Cohãcjũ cũriro saha yeahye. Ne yũhdũũcaerahye. Moise gũhũ Cohãcjũ yequina Israe masare yedohoro ne yũhdũũcaerahye. Sata yeahye Jesu gũhũ.

³ Sa yero Moisere tiquina ño peoriro yũhdũoro Jesu pehere ño peoro cahmene marine. Ohõ saha ijire ti mari queoye mehna buhegũ. Wũhũre mari ño peoriro yũhdũoro wũhũ dahreriquiro pehere ño peoro cahmene marine. Sa yero Jesu pehe wũhũ dahreriquiro yero saha ijiriquiro tiqiro ijigũ Moisere mari ño peoriro yũhdũoro tiqiro pehere ño peoro cahmene marine. ⁴⁻⁶ Ohõ saha ijire ti. Mari Cristo yequina Cohãcjũ ya curua cjãna ijiaja. Cristo pehe wũhũre tiqiro cũboriro saha marine tiqiro ya curua cjãna ijiatinare cũno nine. Masa pehe wũhũse yeyequina ijire. Cohãcjũ pehe

ijipihtiyere yeriquiro ijire. Moise pehe Cohãcjũ ya curua cjẽnare yedohoducuriquiro ijiro, camepũ Cohãcjũ yahuatire yahue tiahye masare. Cristo pehe Cohãcjũ macũno ijiro, Cohãcjũ yere yeducuriquiro ijiro, Cohãcjũ ya curua cjẽna pũhtoro ijire. Sa ijiriquiro ijigũ ihñana Moiserre mari ño peoriro yũhdũoro Cristo pehere ño peoro cahmene marine. Sa yena mari pehe Cristore wacũ tutua duhuerana, marine tiquiro yũhdũoatire sa bucueducuna, tiquiro ya curua cjãna ijiaja mari.

Cohãcjũ tiquiro yequinare tiquiro mehna quehnoano sogã cahmene

⁷ Sa yena Cristore mari wacũ tutua duhueratire ohõ saha yero cahmene marine. Ohõ saha nine Espíritu Santo:

Miare yũhũ, Cohãcjũ, mũsare yũhũ yahugã, yũhti dueyequina yero saha ijieracãhña. ⁸ Quehnoano yũhtiya mũsa yũhũre. Panorpũ Israe masa masa marienorpũ ijiye, sa yũhdũdcari yũhũre. Sa ye yũhũre ne bucueragũ yeri tiquina. Sa yena tiquina yero saha yeracãhña mũsa yũhũre. ⁹ Topũre cuarenta cãhmari waro tiquinare yũhũ tutuaye mehna ye ihñomi. Yũhũ sa ye ihñoepegũta tiquina pehe ohõ saha ni tũhotue timedi: “¿Ñañene mari yegũ ihñano Cohãcjũ marine buhiri dahreboagari?” ni tũhotue timedi. Sa ni tũhotuye ñano ye tuhue tiri. ¹⁰ Tiquina sa yegũ ihñagũ tiquina mehna usuagũ. Sa usuagũ ohõ saha nii: “Tiquina yũhũ yahuducuyere tũho dueraye, sijoro saha ijiye buheyere sa wacũducuye

nine. Yee pehere ne yuhti duerare”, nii tiquinare. ¹¹ Sa yegu tiquina mehna usuagu ohō saha ni yahuu: “Tiquina yuħu mehna cĵēna ne ijisi. Sa ye wape tiro marieno ijisi tiquina’, ni yahuu yuħu”, ni yahuahye Cohācjũ, niahye Espiritu Santo pehe.

¹² Sa yena yuħu acaye, quehnoano yeya m̄sa, “Cohācjũre cohāri”, nina. M̄sa ñañene t̄hotuna, Cohācjũre catiriquirore wacũ tutuerana, tiquirore cohāboaga m̄sa. Ne ihcāquiro m̄sa mehna cĵāno sa yeracāhdo. ¹³ Sa yena ahri pehere yero cahmene: M̄sa mehna cĵēnare decoripe Cohācjũ yere m̄sa basi cahme yahuducuya “Ñañene yeari”, nina. Ñañene yena, “Ti mehna bucueaja”, nina ni mehoñene t̄hotuna niaja mari. Sa ni t̄hotueracāhña. Ñañene yeducuna Cohācjũ ye pehere cahmedaja mari. Sa yena ñañene duhu dueraja. “Sa yeari”, nina, m̄sa mehna cĵēnare Cohācjũ yere m̄sa basi cahme yahuducuya. Cristo tiquiro ahtato pano decoripe tire sa cahme yahuducuya. ¹⁴ Sa yena coã waropu Cristore mari wacũ tutua d̄cariro saha mari wacũ tutuaducuna, mari catiro puno tiquiro yere duhuerana, tiquiro mehna cĵāna ijiaja.

¹⁵ Ohō saha nine Cohācjũ yere tiquina ojoari p̄pu:

Miare yuħu Cohācjũ m̄sare yuħu dutigũ quehnoano yuhtiya m̄sa yuħure. Panopu cĵēna Israe masa yuħu yahuepegũta ño peo dueraye, yuħure yuhti duerari. Sa yena tiquina yero saha yeracāhña m̄sa, niahye Cohācjũ, ni ojoahye panopure.

¹⁶ Sa ye Cohãcjũ tiquiro yahurire tãhomediquina ijiepetata tiquina tiquirore yãhtierahye. Tiquina ijipihtiyequina Egiptopũ ijiequina Cohãcjũ wioriquina ijiepetata tiquirore ne yãhtierahye. ¹⁷ Sa ñano yeye cuarenta cãmari waro Cohãcjũre usuagũ yee tiahye. Tiquina sa yeri buhiri masa marienopũ yariahye tiquina. ¹⁸ Tiquirore tiquina sa yãhti dueragũ ihñano ohõ saha cua pesaro mehna niahye tiquiro: “Tiquina yãhũ mehna cjẽna ne ijisi. Sa ye wape tiro marieno ne ijisi tiquina”, niahye tiquiro. ¹⁹ Tiquiro sa nigũ tãhona ahri pehere masinata mari: Cohãcjũre tiquina wacũ tutuerari buhiri tiquiro mehna cjẽna iji masiedahye. Sa ye tiquiro mehna quehnoano so, iji masiedahye.

4

¹ Sa yero panopũ cjẽnare tiquiro mehna tiquina quehnoano soatire cahmeno, tiquinare “Yãhũ mehna wape tiro marieno sonata”, ni cũahye Cohãcjũ. Mari gũhũre sata ni cũahye tiquiro. Sa yena cua pesaro mehna Cohãcjũre quehnoano yãhtiihna mari, “Wihearĩ”, nina. Sa wihena tiquiro mehna quehnoano sosi mari. ² Panopũ cjẽna Cohãcjũ yere tiquina tãhoriro saha mari gũhũ quehnoañe buheyere tãhou. Tiquina tãho mãhtariquina pehe tãhoye, “Cohãcjũ ye waro ijire”, ni tãhotuerahye. Sa ye tiquina tãhori dũhseati ijierahye. ³ Mari pehe tiquirore wacũ tutuana Cohãcjũ mehna cjãna ijinata. Sa yena tiquiro mehna quehnoano iji, sonata. Wape tiro marieno ijinata. Cohãcjũ tiquiro nidiro sahata ijire ti. Ohõ saha niahye tiquiro tiquirore yãhtierariquinare:

Tiquina mehna usuag_u cua pesaro mehna ohō saha ni yahuu: “Tiquina y_uh_u mehna cjēna ne ijisi. Sa ye wape tiro marieno ne ijisi”, ni yahuu, niahye Cohācjū yere tiquina ojoari pūr_u.

Ahri yehpare tiquiro yeri bato dahra duhurīahye tiquiro. ⁴ Ahrire mari masiaja. Seis decori ahri yehpare tiquiro yeri bato tiquiro dahra duhurire yahuro ohō saha niahye Cohācjū ye yahuducuyere tiquina ojoari pūr_u:

Seis decori bato ijipihtiyere tiquiro dahrarire pehorō, Cohācjū dahra duhuahye, niahye tiquiro yere tiquina ojoari pūr_u.

⁵ Sa yero Cohācjū yere tiquina ojoari pūr_u ohō saha ni yahure tiquiro mehna quehnoano ijieye-quinare:

“Tiquina y_uh_u mehna cjēna ne ijisi. Sa ye wape tiro marieno ne ijisi”, niahye Cohācjū, nine tiquiro yere tiquina ojoari pūr_u.

⁶ Sa ye quehnoañe buheyere t_uho m_uhtariquina tiquirore tiquina y_uh_ud_ud_ucari buhiri tiquiro mehna cjēna ijisi tiquina. Sa ye tiquiro mehna wape tiro marieno ijisi tiquina. Apequina pehe tiquiro mehna cjēna ijietā. Sa ye tiquiro mehna wape tiro marieno soyequina ijietā. ⁷ Sa yero masare tiquiro y_uh_ud_uoati deco ihcā deco cūahye pari turi Cohācjū. Ti decota yojop_ure ijire. Peye c_uhmari bato Israe masa Cohācjūre tiquina t_uho m_uhtari bato ti decore yahuahye Davi pehe. Cohācjū tiquirore yahu dutigū yahuahye. Cohācjū ye yahuducuye tiquina ojoarire m_usare y_uh_u yahuri decore ohō saha ni ojoahye Davi:

Ahri decore yꝯhꝯ Cohãcjũ mꝯsare yꝯhꝯ yahugũ
yꝯhdꝯdꝯcaro marieno quehnoano yꝯhtiya
mꝯsa yꝯhꝯre, ni ojoahye panopꝯre.

⁸ Coã waropꝯre Josué Israe masare Cohãcjũ
ohori yehpapꝯ ne sahye. “Yꝯhꝯ mehna wape
tiro marieno soyequina ijjeta”, nino, ti yehpapꝯ
tiquina soatire nino niedahye Cohãcjũ. Ti
yehpapꝯ so dutiro, ape deco tiquiro yꝯhdꝯoati
decore cꝯedaboaga tiquiro. ⁹ Seis decori bato ahri
yehpapꝯre tiquiro yeri bato Cohãcjũ tiquiro dahra
duhuriro saha mari tiquiro yequina gꝯhꝯ tiquiro
mehna wape tiro marieno mari soati ijjirota.
Tiquiro mehna mari quehnoano ijjiato ijjirota.

¹⁰ Sa yero Cohãcjũ tiquiro dahrarire duhu cãrĩahye.
Sa yena mari gꝯhꝯ mari wape tirire duhu cãnata.

¹¹ Sa yena mari tiquiro yequina quehnoano
yehna. Cohãcjũ yere quehnoano yꝯhtihna
tiquiro mehna mari quehnoano soato saha.
Panopꝯ cjẽna mari acaye tiquina yꝯhdꝯdꝯcari
bato Cohãcjũ mehna cjẽna iji masiedahye tiquina.
Tiquina yero saha yeracãhna mari.

¹² Cohãcjũ ye yahuducuye marine catigũ yere.
Quehnoañe pehere marine comesagũ yere. Sa
ye tiquiro ye yahuducuye ihyo ijiye ijierare. Sa
ye ñoseni pjĩ pꝯa peheri siori pjĩ mehna dihi-
rore tiquina yꝯhre ihña tiquina masino saha
tiquiro ye yahuducuye gꝯhꝯ mari ijiye tiyere
quehnoano masigũ yere. Tiquiro ye yahudu-
cuyere mari tꝯhogũ, tire mari buhegũ mari ijiye
tiyere quehnoano masi pehogũ yere marine.

¹³ Ne Cohãcjũre mari ijiye tiyere mari yerire
nꝯo masiedaja mari. Ijipihiyere tiquiro ba-
jumehnedire, tiquiro bajumehnediquina gꝯhꝯre

ihñare tiqairo. Sa yena mari yerire tiqairore yahu yũhdũro cahmene marine.

Jesu tutuariqairo mari yaqairo pahia pũhtoro ijire

¹⁴ Jesu Cohãcjũ macũno tiqairo Pacũro cahapũ tojoariqairo ijire. Tiqairo tutuariqairo mari yaqairo pahia pũhtoro ijire. Sa yero marine Cohãcjũre sini basare. Tiqairo sa ijiriquiro ijigũ ihñana mari pehe tiqairo yere quehnoano yũhtiihna. Tiqairore quehnoano wacũ tutuaducuhna. ¹⁵ Tiqairo mari yaqairo pahi mari ñano yũhdũgũ ihñano quehnoano paja ihñariqairo ijire. Mari ñañene tutuaro cahmeñene masine tiqairo. Watĩno ijipihtiyere ñañene marine tiqairo ye dutiro sahata tiqairo gũhũre ñañene ye dutimahye. Tiqairo sa ye dutiepegũta tiqairo ñañene yerahye. Sa ñañene tiqairo ye dutinohriqairo ijiro, marine paja ihñano tiqairo yedoho masine marine. ¹⁶ Sa yena cuero marieno Cohãcjũre sinihna. Tiqairo marine cahĩne. Sa yero tiqairore mari sinigũ tiqairo pehe paja ihñano, marine yedohorota. Watĩno marine tiqairo ñañene ye dutigũ, mari ñano yũhdũgũ gũhũre tiqairo marine yedohorota.

5

¹ Ijipihtiequinare pahia pũhtoare besero, masare besere Cohãcjũ. Sa tiqairo beseri bato pahia pũhtoa pehe tiquina mehna cjẽnare yedohoye tehe Cohãcjũ cahacjẽna ijire. Sa ye ñañene tiquina yeri buhiri Cohãcjũre sini basare tiquina mehna cjẽnare. Wahiquirore wejẽ wjũa mũoñe, Cohãcjũre sini basare. ² Pahia pũhtoa

apequina masa yero saha quehnoano masi pehoeyequina ijire. Sa masieñequina ijiye, apequina masieñequinare yedoho masine. Sa ye quehnoano yerariquina gãhare quehnoano yedoho masine. ³ Sa ye pahia quehnoano ye pehoeyequina ijiye ñañe buhiri tiyequina ijire. Sa ye tiquina basi ñañene tiquina yeri buhiri wahiquireore wejẽ ɱjãa mɱo, Cohãcjãre sinine. Apequina masare yedohoye tehe, tiquina ñañe buhiri tiquina sini basariro sahata tiquina basi tiquina ñañe buhiri gãhare sinine Cohãcjãre.

⁴ Sa yero tiquiro basi tiquiro esa tuharo pahia pãhtoro sajãedare. Cohãcjã pehe tiquirore be- sero, pahia pãhtoro sõre. Panopɱ cjãno Aaron mananore tiquiro cãriro sahata apequina pahia pãhtoa gãhare cãre tiquiro. ⁵ Sata Cristo gãhu tiquiro basi tiquiro esa tuharo pahia pãhtoro sajãedahye. Cohãcjã pehe tiquirore pãhtoro sõno, ohõ saha niahye:

Yɱhu macɱ ijire mɱhu. Miare mɱhare bajuagã yei, niahye Cohãcjã.

⁶ Ape taha ohõ saha niahye Cohãcjã Cristore:

Ijipihtiye decori pahi ijiducugãta mɱhu.
Melquisede tiquiro ijiriro saha pahi
ijiducugãta mɱhu, niahye tiquiro
macãnore.

⁷ Cristo ahri yehpapɱ ijiro sañuducuye mehna, utiye mehna mari Pacãre tutuaro siniahye tiquiro “Yɱhare masoña”, nino. Mari Pacɱ pehe tiquirore yariariquirore maso masiniquiro ijire. Tiquiro sa sinigã mari Pacɱ tãhoahye tiquirore. Mari Pacɱ cahmeñe dihitare tiquiro ye duagã ihñano mari Pacɱ pehe tiquiro sinidire tãhoro,

tiquireore yuhtiahye. ⁸ Sa yero Cristo Cohãcjũ macano ijieperota ñano yuhdũahye tiquireo. Sa ñano yuhdũero yuhtiahye mari Pacure. Sa yuhtiro quehnoano yuhti masiahye. ⁹ Sa ñano yuhdũero, curusapũ yariaro ijipihtiyequina tiquireore yuhtiatiquinare yuhdũoatiquireo wahahye. ¹⁰ Sa yero mari Pacũ pehe tiquireore pahia pũhtoro cũahye. Sa yero Melquisede pahia pũhtoro tiquireo ijiriro saha ijire Cristo.

Cristo yequina tiquireore wacũ tutua duhugũ cuarĩne

¹¹ Peye ohõ saha ijiyere mũsare yahu nemo duaja usã. Usã sa yahu nemo duepegũta mũsa pehe dapu butina ijire. Sa yena mũsare yahuro basioerare usãre. ¹² Yoari pje Cristo yequina ijimene mũsa. Sa yena yojopũre apequinare buhenapũ iji tuhasaboya mũsa. Mũsa sa ijiborina ijiepegũta apequina mũsa pehere buheeta. Cohãcjũ yere mijoeda cjũñe buheye dihitare tũhore mũsa. Macanagã epẽco dihitare tiquina apũ masino saha mũsa gũhũ mijoeda cjũñe dihitare quehnoano tũhore. Coã buhe dũcayequina yero saha ijire mũsa. ¹³ Epẽcore apũñequina macanagã ijinine. Tiquina yero saha mũsa gũhũ ijire. “Ahri ñañe ijire. Ahri quehnoañe ijire”, ni ihña masiedare mũsa. ¹⁴ Ihyayere ihyayequina pehe bũcũna ijire. Tiquina yero saha ijieyequina quehnoano tũho masiñequina quehnoano buheriquina ijire. “Ahri ñañe ijire. Ahri quehnoañe ijire”, ni ihña masine tiquina pehe.

6

1-2 Sa yena Cohãcjũ yere quehnoano masina, quehnoano yũhtina ijiihna. Cristo yere coã warore mari buhe dũcana ohõ saha masi dũcaũ: Mari ñañene yerire bujũa witi, duhuro cahmene. Mari ñañene yeri buhiri pecapũ wahanata. Sa yena Cohãcjũre wacũ tutuaro cahmene marine. Ahrire coã waropũre marine buhe dũcari. Sa ye wame yeyere, omocarine marine tiquina duhu peoyere, yariariquina tiquina masa mũjañene, ahri deco pihtiri bato Cohãcjũ buhiri dahreatire, tiquiro buhiri dahreatiquina tiquina ñano yũhdũducuato gũhũre ahri gũhũre coã waropũre marine buhe dũcare. Sa ijiye buheyere masi tuhasana, quehnoano buhe nemouhna tja. ³ Sa yena Cohãcjũre, tiquiro ye gũhũre masi nemouhna. Cohãcjũ cahmegũ sa yenata mari.

⁴ Mari sa yerana Cohãcjũ yere duhuboaga mari. Cohãcjũ yere duhuriquinare ne pari turi tiquina ñañe yerire tiquinare bujũa witi gũ ye masiedare. Sa ijiyequina Cristo tiquiro yũhdũmediquina ijiye, Espiritu Santore cũmedi. ⁵ Sa ye Cohãcjũ ye yahuducuyere tũhoye quehnoañe ti yahuducuye ijigũ masimedi. Sa ye pihtiri deco batopũ Cohãcjũ tutuaye mehna mari sa ijiducuatire, masare tiquiro buhiri dahreato gũhũre tiquina masimedi.

⁶ Sa ijiriqinapũre Cristo yere tiquina duhugũ pari turi tiquina ñañe yerire tiquinare bujũa witi gũ ye masiedare. Sa duhuriquina Cohãcjũ macũnore pari turi curusapũ tiquina quẽ bihaboriro saha tiquirore yeye nine. Tiquina sa yegũ ihñañe apequina masa Cristore bujũpere. Sa ye tiquina ñañe yerire tiquinare bujũa witi gũ ye

masiedare. ⁷ Ohõ saha ijire ti mari queoye mehna buhegũ: Quehnoari yehpare pajiro acoro ahtagũ ti oteye quehnoano бѹсна, дѹса tire. Sa yero ti wese upũro дѹcare сѹore tiquiro ihyatire. Ti yehpa Cohãcjũ quehnoano tiquiro yeri yehpa ijire. Sa quehnoano yere tiquiro yequina gũhure. ⁸ Sa ijiepegũta pota mehna, taa mehna ti yehpa diaro дѹhseati ijierare. Sa ijiri yehpare Cohãcjũ ѱjũa cohãnota. Sata yere tiquiro tiquirore duhuyequinare.

Cristore sa ño peoducuyequinare yũhdũore Cohãcjũ

⁹ Yũhũ cahĩna, mũsare sa ni yahuepegũta mũsa pehere “Cristore duhuna ijire”, nigũ niedaja. Mũsa pehe Cristo yũhdũonohrina ijire. Sa yena quehnoañene yena niaga mũsa. Ahrire masiaja yũhũ. ¹⁰ Quehnoano mari yeri wapa queoro marine quehnoano yeriquiro ijire mari Pacũ. Sa yero tiquiro yere mũsa tutuaro dahrari wapare bosu tiquiro. Tiquirore cahĩna quehnoano yedohore mũsa tiquirore. Apequina Cristo yequina gũhure yedohore mũsa. Sa yena tiquinare yedohona niaga mũsa. Sa yerina mũsa ijigũ ihñano bosu tiquiro. ¹¹ Mũsa catiro puno apequinare mũsa cahĩducugũ, mũsa yedohoducugũ gũhure cahmeaja usã. Mũsa sa yeri wapa queoro quehnoano yerota mari Pacũ mũsare. ¹² Sa yena mũsa cape bujũna mũsa ijigũ cahmedaja usã. Apequina Cristo yequina ñano yũhdũepeta tiquiro yere ne duhuerare. Tiquina sa yegũ ihñano mari Pacũ “Mũsare ohoutja”, tiquiro nidire tiquinare oho pehorota. Sa yena mũsa gũhũ tiquina yero saha yeducuya.

13-14 Панорꝑ Cohãcjũ Abrahãre ohõ saha ni cũahye. “Yũhũ wame mehna ahrire poto nii ni-aja mũhũre. Mũhũre quehnoano yeitja. Sa yegũ mũhũ panamena iji turiayequinare peyequina masa ijigũ yeitja”, ni yahu cũahye Cohãcjũ. Sa ni yahu cũno tiqiro ye wame mehna wame peo yahuro niahye. Apequiro tiqiro bui ijiriquiro ne mariedagũ tiqiro ye wame mehna tiqiro basita sa wame peo yahuahye. ¹⁵ “Mũhũre quehnoano yeitja”, Cohãcjũ tiqiro ni cũrire Abrahã pehere quehnoano tiqiro cohtegũ ihñano tiqiro nidiro sahata tiqirore quehnoano yeahye. ¹⁶ “Cohãcjũ mehna poto nina niaja”, masa pehe niñe, tiquina bui ijiriquiro wame mehna wame peo yahuye nine. “Cohãcjũ mehna poto nii niaja”, ihcãquiro nigũ tũhoro apequiro pehe tiqiro mehna cahme dũse tutuariquiro pehe “Ijirota ijire”, ninota. Sa ye cahme dũse tutua duhueta tiquina. ¹⁷ Sa yero Cohãcjũ Abrahãre “Mũhũre quehnoano yeitja”, ni cũno wame peo yahuahye. Tiquiro sa wame pe-orire tũhona “Ijirota ijire ti. Tiquiro sa nidi ne comesasi”, ni, masiaja mari. Tire mari masiato saha tiqiro ni cũri mehna wame peo yahuahye.

¹⁸ Sa yero pũaro tiqiro ni yahuducuri mehna tiqiro nidi poto ijigũ masigũ yeahye Cohãcjũ marine: Tiquiro ni cũri gũhũ tiqiro wame peori gũhũ ti pũaro mehna tiqiro ni yahuducurire yahuahye tiqiro. Sa ye tiqiro ni cũri gũhũ, tiqiro wame peori gũhũ ne comesaerare. Sa yero Cohãcjũ ne ni mehoedare. Tiquiro sa ijiriquiro ijigũ masina, mari tiqirore quehnoano wacũ tutuana, bucu-eye mehna marine tiqiro yũhdũoatire cohtenatja mari. ¹⁹⁻²⁰ Sa tiqiro yũhdũoatire cohtena, wacũ

tutuana ijiaja mari. Sa yena cueraja. Pahia p̄htoro Cohãcjũ ijiri tucũ warop̄u sajãno, cahmotari suhtirore yũhd̄u sajãre. Sa sajãno masa ye ijiatire sini basare Cohãcjũre. Tiquiro sa yeriro sahata Jesu gũh̄u came mari wahato sahata ʌhm̄usep̄u Cohãcjũ cahap̄u waharo, mari ye ijiatire sini basare Cohãcjũre. Top̄u mari wahato pano tiquiro pehe wahahye. Sa yero ijipihtiye decori pahia p̄htoro ijire tiquiro. Melquisede pahi tiquiro ijiriro saha pahia p̄htoro ijire tiquiro gũh̄u.

7

Melquisede pahi tiquiro ijiriro saha Jesu pahia p̄htoro ijire

¹ Melquisede Salẽ wame tiri maca cjẽna p̄htoro ijiahye. Sa yero pahi ijiro Cohãcjũ tutuariquirore, ʌhm̄use cjũnore sini basariquiro ijiahye. Sa yero apequina p̄htoare Abrahã wejẽ tuhasa, tiquiro tojoa tagũ waro Melquisede tiquiro ya macap̄u ijiriquiro Abrahãre piti caro esahye. Sa piti caro tiquirore sini basahye Cohãcjũre. “Quehnoano yeya ahriquirore”, ni sini basahye Abrahãre Cohãcjũre. ² Tiquiro sa piti cato pano Abrahã pehe tiquirore ihña tuhtiyequinare wejẽ tuhasa tiquiro wejẽdiquina p̄htoa yere neahye. Tiquiro sa nedire mehenogã ohoahye Melquisedere. Melquisede tiquiro wame pehe “P̄htoro quehnoano yeriquiro ijire”, nino nine. Sa yero tiquiro Salẽ wame tiri maca cjẽna p̄htoro ijigũ tiquiro wame ohõ saha nino nine: “P̄htoro quehnoano ijigũ yeriquiro”, nino

nine. “Salē” nino, “Quehnoano ijiye”, nino nine. ³ Ne Melquisede pac̄s̄m̄uare, tiquiro pano iji mahtariquinare, tiquiro acayere tiquina yahu ojoa ohōri mariedare. Tiquiro masa bajarire, tiquiro yariari gāh̄uare yahu ojoa ohōri mariedare. Sa yero sa ijiducuriquiro yero saha ijire tiquiro. Tiquiro sa ijiriquiro ijigū Cohācjū tiquiro mehna marine queoye mehna buhere. Cohācjū mac̄no tiquiro pahi ijire marine buhere. Melquisede pahi sa ijiducuriquiro yero saha ijire. Tiquiro yero saha Cristo gāh̄u pahi sa ijiducuriquiro ijire.

⁴ Sa yero Melquisede ne ihyo ijiriquiro ijierahye. Abrahā mari ñec̄a m̄n̄ano p̄h̄toro waro ijieperota mehenogā tiquiro nedire Melquisede pehere ohoahye. ⁵ Sa yero Cohācjū dutiye Moiserē tiquiro cūri ijipihtiyequina apequina Israe masare to punota wapa ye dutire. Sa dutiro Leví panamena iji turiayequinare tiquina acaye wapa yerire ñehe dutiro, cūahye. Leví panamena pahia wahae tiahye. Sa ye Israe masa Abrahā panamena iji turiayequina ijiepetā tiquina pahiare wapa yee tiahye. ⁶ Melquisede pehe Leví panamino iji turiariquiro ijieraperota wapa neahye Abrahāre. Sa yero Cohācjū “M̄h̄uare quehnoano yeitja”, tiquiro ni cūriiquiro ijieperota Abrahā pehe Melquisedere wapa yeahye. Sa yero Melquisede pehe Cohācjūre Abrahāre sini basaro quehnoano ye dutiahye.

⁷ Quehnoano ye dutiriquiro Melquisede pehe tiquiro quehnoano ye dutinohriiquiro Abrahā bui ijire. Tire mari quehnoano masiaja. ⁸ Mari mehna cjēna pahia marine mehenogā wapa neñequina mari yero saha masa ijire. Sa ye yariatiquinata ijire tiquina gāh̄u. Ahriiquiro

Melquisede pehe Abrahãre mehenogã wapa nediquiro sa catiducuriquiro yero saha ijire. Tiquiro yariarire yahueraro, sata nino niahye Cohãcjũ yere tiquina ojoari pũpũ. ⁹ Yojopũ cjẽna Leví panamena iji turiayequina pahia ijiye, mehenogã wapa nene. Sa ijiyequina tiquina ijiepegãta Abrahã Melquisedere mehenogã wapa yero, ijipihtiyequina Leví panamena ye ijiami gũhũre oho basaro saha yero niahye. Sa ye tiquina gũhũ Melquisedere mehenogã ohoyequina yero saha ijire. ¹⁰ Melquisedere Abrahã tiquiro wapa yeri pjere Leví pehe masa bajueraniahye. Sa ijieperota tiquiro ñecũno mũnano Abrahã pagũpũ tiquiro ijiboriro saha Leví pehe iji tuhasaro niahye. Sa yero Melquisede Abrahãre tiquiro piti cagã Leví gũhũ tiquiro ñecũno mũnano mehna ijiro saha ijiro niahye. Sa ye Leví, tiquiro panamena mehna Melquisedere mehenogã wapa yeyequina yero saha ijiye, tiquina tiquiro docapũ ijiye niahye.

¹¹ Tiquiro dutiyere cũno Cohãcjũ Levíre tiquiro acaye gũhũre pahia iji dutiahye. Sa ye tiquiro dutiye nidiro sahata tiquina pahia wahiquinare wejẽ ujãa mũo, Cohãcjũre sini basahye masare. Tiquina sa yeri mehna mari yũhdũna, apequiro pahi sijoro saha ijiriquiro pahire cahme nemoed-aboya mari. Sa yena apequiro pahire cahmeaja mari yojopũre, Melquisede yero saha ijiriquirore. Leví ya curua cjãno Aaron mũnano yero saha ijiyequina pahiare yojopũre mari cahmedaja. ¹² Sa yena pahiare comesana niaja mari. Mari sa comesana, marine dutiye gũhũre comesaro cahmene marine. ¹³ Aaron, Leví gũhũ tiquina ya

curua cjēna dihitare pahia sajã duti m̄htamahye Cohãcjũ, tiquiro dutiyere cũno. Tiquiro sa dutiepegũta yojop̄are mari p̄htoro pahi s̄riquiro ape curua cjãno ijire. Sa ye ti curua cjēna ne pahia sajãedahye. ¹⁴ Tiquiro Cristo Judá ya curua cjãno masa bajuahye. Tire mari quehnoano masiaja. Sa yero, Moise pahia s̄no, Judá ya curua cjēnare ne pahia s̄eda tiahye.

¹⁵ Ahrire masina, ohõ saha mari quehnoano masiaja: Yojop̄are wahma tiquiro s̄riquiro pahi Cristo Melquisede yero saha ijiriquiro ijire.

¹⁶ Panop̄ cjē dutiye ti nidiro sahata Leví ya curua cjēna dihita pahia sajãhye. Yojop̄are tiquiro s̄riquiro pahia tiquina yero saha pahi sajãedare. Tiquiro Cohãcjũ tutuaye mehna ijipihtiye decori ijiriquiro ijire. Sa yero ti tutuaye mehna pahi sajãhye tiquiro. ¹⁷ Ohõ saha nine Cohãcjũ yere tiquina ojoari p̄p̄:

Ijipihtiye decori pahi ijiducuḡata m̄h̄.
Melquisede pahi tiquiro ijiriro saha pahi ijiducuḡata m̄h̄, niahye Cohãcjũ tiquiro mac̄nore, ni ojoahye panop̄.

¹⁸ Ti dutiye tiquiro cũ m̄htari dutiye d̄hseati ijierahye. Sa yero ti dutiyere duhu cãhye Cohãcjũ. ¹⁹ Moiserere tiquiro cũri dutiye mehna ne ȳhd̄erare masa. Sa yero yojop̄ pehere Cohãcjũ marine tiquiro ȳhd̄oatire marine cũre. Tiquiro sa yegũ yojop̄are tiquiro mehna yahuducu masiaja.

²⁰ Sa yero Cristore pahi s̄no, wame peoro mehna tiquirore s̄ahye. Apequina pahiare tiquiro yero saha wame peo s̄edahye. ²¹ Cristo

pehe Cohãcjũ wame peoro mehna pahı sajähye. Ohõ saha nıahye tiqũiro Pacũro Cristore:

Yũhũ mũhũ pũhto yũhũ wame mehna mũhũre poto yahutja. Sa yegũ ahrire ne duhu cũno marieno yahuaja mũhũre. Pahi sa ijiducugũta mũhũ, ni cũahye Cohãcjũ tiqũiro macũnore.

²² Sa wame peo cũno, wahma buheyere quehnoañe buheyere marine cũno, marine tiqũiro yũhdũoatire cũno nıahye. Panopũ cję dutiye yũhdũoro mari quehnoano ijıatire cũno nıahye. Sa yero Cohãcjũ “Mũsare yũhdũoutja”, tiqũiro nıdıro sahata yero taro, Jesure ohoahye marine yũhdũoatiqũirore. ²³ Iji mũhtariquina

pahıa tiquina yariagũ ihñañe apequina camea sajäre tja. Sa ye tiquina peyequina pahıa wahare.

²⁴ Jesu pehe sa ijiducure. Sa ye tiqũirore comesayequina mariedare pahıa. ²⁵ Sa yero

tiqũiro sa ijiducuro, Cohãcjũre sa sini basaducure tiqũiro yequina ye ijıatire. Sa yero Cohãcjũ mehna tiquina sa ijiducuoato saha masare yũhdũo masine tiqũiro. Ijıpihtıyequina tiqũirore wacũ tutuayequina Cohãcjũ cahapũ wahaeta. Sa yero Jesu ijire potota tiquinare yũhdũorıqũiro.

²⁶ Sa yero Jesu ijire mari yaqũiro pahıa pũhtoro. Tıqũiro pũritare tutuaro cahmeaja mari. Ne ñañe buhiri marienıqũiro ijire tiqũiro. Sa yero masa yero saha ne ñañene yerare. Sa yero Cohãcjũ tiqũirore ñañequina cahapũ ijıriqũirore neano, ıhmũsepũ cũ, ijıpihtıyequina apequina bui pũhtoro sũahye. ²⁷ Apequina pahıa yero saha ijierare tiqũiro. Tıquina pehe decorıpe wahiqũinare wejẽ, ıjũa mũo, Cohãcjũre sinie tıri.

Tiquina basi tiquina ñañe buhirire sini m̄htaē tiri. Came apequina masa tiquina ñañe buhiri ḡh̄re sini basae tiri tiquina. Sa ye peye tahari tiquina Coh̄c̄j̄re sinie tiri. Jesu pehe pahī ijiro, ihc̄ā tahata tiquiro yariari mehna siniahye Coh̄c̄j̄re masa tiquina ñañe buhirire ȳhd̄oro taro. Sa yariaro tiquiro basi tiquiro paḡre tiquiro jeripohna ḡh̄re tiquiro ohoboriro saha yero niahye. ²⁸ Coh̄c̄j̄ d̄utiye Moiserē tiquiro c̄ūri pahia p̄htoare sajā dutire. Sa sajāepeta ñañe marieñequina ijierare sa pahia sajāñe. Ti d̄utiye bato ijiye buheye mehna Coh̄c̄j̄ wame peoro mehna tiquiro yahuri buheye mehna tiquiro mac̄no pahia p̄htoro sajāh̄ye. Tiquiro pehe ñañe marieniquiro sa ijiducure.

8

Coh̄c̄j̄ “M̄sare ȳhd̄outja”, ni c̄ūahye tja Moiserē tiquiro c̄ūrire comesaro. Tire yahu basariquiro ijire Jesu

¹ Ti ijipihtiyere yahuna, ahri p̄ritare m̄sare yahuna tana niaja: M̄sare us̄ā yahuriquiro pahia p̄htoro tiquiro p̄rita mari yaquiro waro ijire. Ḥm̄sep̄ Coh̄c̄j̄ tutua ȳhd̄ariquiro tiquiro p̄htoro dujiro poto pehe dujire Cristo mari yaquiro pahia p̄htoro. ² Sa yero ahri yehpa c̄j̄ w̄h̄p̄, masa tiquina yeri w̄h̄p̄ pahia dahrayere yerare tiquiro. Ḥm̄sep̄ ijiri w̄h̄p̄re mari p̄htoro tiquiro yeri w̄h̄p̄re pahia dahrayere yere tiquiro. Ti w̄h̄ p̄rita Coh̄c̄j̄ waro ya w̄h̄ ijire.

³ Ijipihtiyequina ahri yehpa cjēna pahia p̄h̄toa wahiquinare wejē ʘj̄a m̄o, ohore Cohācj̄re ño peoye. Sa ye dutie tiahye tiquinare. Mari yaquiro pahi ḡh̄are Cohācj̄re oho dutiahye. Mari ñañe buhirire tiquiore oho dutiahye. Sa yero Cristo mari ñañe buhiri yariaro bucueḡa yeahye Cohācj̄re, pahia p̄h̄toa Cohācj̄re ohoye tiquina bucueḡa yeriro saha. ⁴ Mari judio masa mari dutiye ti nidiro sahata ahri yehpap̄ pahia masa tiquina ñañe buhirire ohore Cohācj̄re siniñe. Sa ye ahri yehpap̄ pahia iji tuhasare. Sa yero Jesu pehe mari yaquiro pahi ahri yehpap̄ ijinino, pahi ijieraboa tiquiore pehe. ⁵ Ahri yehpa cjēna pahia tiquina dahrayere ahri yehpa cjā w̄h̄p̄ta dahrare. Ti w̄h̄p̄ Cohācj̄re tiquina ño peorire ihñana ʘhm̄se cjā w̄h̄p̄re tiquiore mari ño peoatire masi cjūna niaja. “Ti w̄h̄ yero saha ijire”, nino niahye Cohācj̄ c̄n̄p̄ Moiserre tiquiore ya w̄h̄re dahre dutiro. Tiquiore sa dahreato panoḡa Cohācj̄ ohō saha niahye tiquiore. “C̄n̄p̄ m̄h̄re ȳh̄ ihñoriro sahata ti w̄h̄ ijiriro sahata ya w̄h̄re queoro dahreya”, niahye Cohācj̄ tiquiore. ⁶ Sa yero yojop̄ pehere Jesu pahi ijiro, tiquiore dahraye apequna pahia ye dahraye ȳhd̄oro ijire. Ihyo waro ijierare. Cohācj̄ marine “M̄sare ȳhd̄outja”, tiquiore ni yahuri panop̄ cjē dutiye Moiserre tiquiore c̄ri dutiye ȳhd̄oro ijire. Marine tiquiore yahuri ti dutiye ȳhd̄oro marine quehnoano ijiḡa yeeta. Sa yero marine ȳhd̄o basariquiore ijiro, Cristo pehe apequna pahia ȳhd̄oro ijire.

⁷ Coã warop̄re tiquiore dutiri mehna mari ȳhd̄eraja. Ti dutiye mehna mari ȳhd̄ḡa, apeye

buheyere cūedaboya Cohãcjũ. ⁸ Sa yero ti dutiyere tiquina ihcãno sahaerarire yahuro ohõ saha ni-ahye tiquiro yeequinare Israe masare:

Ohõ saha nine mari pũtoro: “Quehnoano tũhoya. Camerũ apeye buheyere yahutja yequinare Israe masare, Judá ya curua cjẽna gũhare. ⁹ Ti buheye tiquina ñecũsumũna mũna iji turiayequinare yũhũ yahu cũri yero saha ne ijisi. Yũhũ basi tiquinare Egipto yehpapũ ijiyequinare wiogũ tiquinare yahu cũmi. Yũhũ sa ni yahu cũrيره yũhdũdcare tiquina. Tiquina sa yegũ ihñagũ wahmanore tiquinare yũhũ yahumedire duhu cãhũ.

¹⁰ Sa yegũ camerũ Israe masare ohõ saha ni yahutja: Yũhũ dutiyere tiquinare wacũgũ yeitja. Sa ye yũhũ dutiyere yũhtieta. Sa yegũ yũhũ Cohãcjũ tiquina pũhto, tiquinare ihña ihbogũ ijigũtja. Sa ye tiquina pehe yeequina masa ijietja. ¹¹ Sa ye ti pjere tiquina mehna cjẽnare ne tiquina ohõ saha cahme nisi: ‘Mari pũhtorore Cohãcjũre masiña mũsa’, ne ni cahme buhesi. Tiquina ijipihtiyequina yũhare masi tuhasaeta. Macanagã, bucũna gũhũ yũhare masiñequina dihita ijietja. ¹² Sa yegũ tiquina ñañe yerire boutja yũhũ. Sa yegũ tiquinare buhiri dahresi yũhũ. Tiquina ñañe yerire pari turi wacũsi yũhũ”, niahye mari pũtoro, nine Cohãcjũ yere tiquina ojoari pũpũ.

¹³ Yojoopũre marine tiquiro ye buheyere cũno, panopũ cjẽ dutiyere duhuro nidi. Sa yero mũna

dutiyere tiquiro duhuri bato ti dutiye comesaa wahare.

9

*Ahri yehpa cjã tucũre ʷhmʷse cjã tucũ gũhʷre
Cohãcjãre ño peori tucũre yahuahye*

¹ Coã waropʷre Cohãcjã tiquiro dutiyere Moiserere cũno, masa tiquirore tiquina ño peoato gũhʷre cũahye. Sa yero Cohãcjãre tiquina ño peoati wʷhʷ gũhʷre ye dutiro cũahye. ² Ti wʷhʷ wahiquina cahseri wʷhʷ ijiahye. Pʷa tucũ cʷoahye. Paji cjũri tucũ tiquina sajã sa mʷhtari tucũ “Cohãcjã ya tucũ”, wame tiahye. Ti tucũpʷ tiquina sihõ docodʷ ijiahye. Sa yero mesa gũhʷ ijiahye. Ti mesa bui Cohãcjãre tiquina ohori pã pesahye. ³ Ape tucũ suhti cahseri mehna tiquina cahmotari tucũ ijiahye. Ti tucũ “Cohãcjã ijiri tucũ waro”, wame tiahye. ⁴ Ti tucũpʷ uru mehna tiquina yeri altar, ehmeo bueyere tiquina ʷjũari altar ijiahye. Sa yero uru quehnoañe mehna tiquina duhu ohõri acaro topʷ cuñahye. Ti acaro puhiapʷ uru pa maná wame tiye ihyaye pose tiri pa ijiahye. Sa yero ti acaro puhiapʷ Aaron yadʷ tuadʷ pũri tidʷ ijiahye. Sa yero pʷa pji ʷtã pjiñi Cohãcjã dutiyere tiquiro ojoari pjiñi gũhʷ ti acaro puhiapʷ sañahye. ⁵ Ti acaro bui pʷaro angele queoye ijiahye. Ti queoye Cohãcjã asi siteyere, ti tucũpʷ tiquiro ijiyere ihñoñe niahye. Ti acaro mohano bui tiquina wʷye dʷpʷri mehna mohahye. Ti acaro mohano bui masa ñañe buhirire tiquina ohorire wejẽ site peoe tiahye pahia pʷhtoro. To punota yahutja ahri wʷhʷ cjẽne yojopʷre.

⁶ Sa ye ti wuhare tiquina quehnoano quehnori bato pahia decoripe tiquina sajã sa mæhtari tucũpũ sajã sa, tiquina dahrayere yee tiahye. ⁷ Sa yero pahia pæhtoro dihita ape tucũpũ sajãhye. Cæhmaripe ihcã tahata tiquiro sajãri deco boropũta sajãe tiahye tiquiro. Sa sajãno tiquina wejẽdiquiro wahuquiro tiquina ohoriquiro diire ne sajãno, Cohãcjũre ño peoe tiahye. Diï marieno ne sajãedahye. Tiquiro basi tiquiro ñaÑe yeri buhirire diire ne sajãe tiahye. Sa yero ijipihtiyequina apequina Israe masa “Ñañe ijiaga”, nino marieno tiquina ñaÑe yeri buhiri gũhare diire ne sajãe tiahye tiquiro Cohãcjũre sinino taro.

⁸ Ijipihtiyehi ahri mehna Espiritu Santo ohõ saha ni marine buhero nine: Ti wuhapũ Moiseri tiquiro cũri wuhapũ mari ño peorĩna, tiquiro cũri dutiyere yeatina ijinina, ihyo ijina Cohãcjũre ño peona wahaeraboya mari. Pahia pæhtoro dihita Cohãcjũ ijiri tucũ waropũ sajã masine. Sa yena ihyo ijiyequina tiquina ño peoye wahaeraro saha sa ijiboya mari Moiseri tiquiro cũri dutiyere yena.

⁹ Ahri ijipihtiyehi Cohãcjũre ño peori wuhapũ ijiyehi marine cũno, marine yojopũ cjẽnare buhero niahye Cohãcjũ. Wahuquinare wejẽ ujãa mæo, masa Cohãcjũre tiquina ño peori mehna ne Cohãcjũ cahapũ wahasi. Tiquina sa yeri mehna tiquina ñaÑe yerire cose werahye. ¹⁰ Sa wahuquinare ohoye, tiquina ihyaye, tiquina sihniÑe, tiquina pagũ coseye, tiquina ohõ saha yeye mehna Cohãcjũre ño peoe timahye. Ahri tiquina sa yeri ihyo warota ijire yojopũre. Sa yeye ti dutiye Moiseri tiquiro cũri dutiye marine

quehnoana wahagũ yerahye. Sa ye wahma buheyere Cohãcjũ tiquiro cũri bato mana dutiye pehe dahseati ijierare.

¹¹ Cristo pehe mari pahia pãhtoro ijiro ahta tuhasari jiri. Sa ijiro marine quehnoañene cũ tuhasari jiri. Cohãcjũre ño peori wãhã ãhmãsepã pahia pãhtoro tiquiro dahrari wãhã apequna pahia tiquina dahraye wãhãse yãhdũoro quehnoari wãhã ijire. Ëhmãse cjã wãhã ijire. Ti wãhã ahri yehpa cjã wãhã ijierare. Sa yero masa tiquina yeri wãhã ijierare. ¹² Sa yero Cristo ãhmãsepã Cohãcjũ ijiro waropã ihcã taha sajãhye mari ñañene yeri buhirire Cohãcjũre ohoro saha yero taro. Topã ãhmãsepã ohõpã tiquiro ijiri tucũ waro yero saha ijire mari queoye mehna buhegã. Sa yero chivoa diire, wecãagã diire ne sajã, ohoerahye tiquiro. Tiquiro pehe tiquiro ye dii warore Cohãcjũre tiquiro ohoro saha yero niahye yariaro. Ijipihtiye decori Cohãcjũ mehna mari ijiducuoato saha tiquiro ye diire cohãhye. Mari ñañe buhirire yariahye.

¹³ “Yariariquinare dahra peona mãsa pagã wete tina ijire”, ni cũahye Cohãcjũ Moiserere. Sa ijiye ñañene wete tiyere cose wee tiahye chivoa diire tiquina ohori mehna. Wecãa diire tiquina ohori mehna, wecãagãre tiquina ãjũari nitine tiquina ohori mehna sa ijiye ñañene cose wee tiahye.

¹⁴ Sa ijiye ñañene wahiquina diire tiquina ohori mehna, nitine tiquina ohori mehna tiquina cose weriro saha ti yãhdũoro Cristo pehe tiquiro diire cohãno mehna mari ñañe yerire quehnoano cose we peho cãre. Tiquiro ñañe marieniquiro ijiro, curapã yariaro tiquiro basita tiquiro pagã, tiquiro

jeripohna mehna Cohãcjũre ohoro saha yeahye. Espíritu Santo sa ijiducuriquiuro yedohoye mehna sa yeahye tiquiro. Sa ye mari ñaÑe yerire tiquiro cose wegũ ihñano mari ñaÑe buhirire Cohãcjũ bo cãhye. Ti ñaÑe buhirire c̣ona pecap̣u wahaborina ijimi mari. Tiquiro cose wenohrina ijina, Cohãcjũ catiriquiro tiquiro cahmeñene ye masiaja mari.

¹⁵ Sa yero “Ohõ saha ṃsare ỵhḍoutja”, masare pari turi Cohãcjũ ni yahu c̣gũ Cristo pehe tiquiro yahuyere yahu basariquiuro ijire. Sa yahu basare tiquiro Cohãcjũ beseriquinare ỵhḍoro taro. Tiquiro sa ỵhḍogũ ijipihtiye decori tiquiro mehna ijinata mari tiquiro yequina. Sa yena mari tiquiro yequinare Cohãcjũ marine ohoatire c̣onata mari. Moisere tiquiro c̣uri dutiye dihita ijigũ masa tiquina ñaÑe buhiri ijiniahye. Sa yero curusap̣u yariaro ti p̣jeta tiquina ñaÑe yeri buhirire ỵhḍoahye tiquiro yequinare.

¹⁶⁻¹⁷ Maṣno came tiquiro acayere tiquiro ohoatire ojoa ohõyure papera p̣p̣u. Tiquiro ohoatire yahuro taro ojoa ohõyure. Ti p̣re ojoa ohõyuriquiro tiquiro yarieranigũ ti p̣ ḍhseati ijierare. Tiquiro acaye tiquiro c̣orire nea masiedare. Sa ye tiquiro yariagũ ihñañe ti p̣p̣u tiquiro ni ojoariro sahata tiquiro yere neañeta tiquina. ¹⁸ Tiquiro yariato pano ti p̣ ḍhseati ijieraro sahata yariaro marieno dii wijiaro marieno Cohãcjũ Moisere tiquiro c̣uri dutiye g̣hu ne ḍhseati ijieraboya. Sa yero wahiquiuro diire tiquiro wejẽ siteri bato ti dutiyere potota yero niahye.

¹⁹ Sa yero ohõ saha ye ṃhtahye Moise: Cohãcjũ tiquiro c̣uri dutiyere masare yahu pehoahye.

Came wecuaḡã diire, chivoa diire aco mehna moreahye. Sa yero hisopo wame tidu dɔpɔ mehna oveja poari sohãñe mehna tiquina ñimiori poarire torēahye. Ti dɔpɔ mehna diire soharo, Cohãcjũ dutiyere tiquiro ojoari pũ bui wejẽ site peoahye. Ijip-
ihtiyequina masa bui ḡhure wejẽ site peoahye.

²⁰ Sa yero ohõ saha niahye tiquiro: “Cohãcjũ marine tiquiro yahuri tiquiro dutiri ahri dii mehna poto ijigũ masiaja mari. Ahri diire ihñana tiquiro nidiro sahata marine tiquiro yeatire masiaja mari. Ti dutiyere yahti dutiahye tiquiro marine”, niahye Moise. ²¹ Sa yero masare tiquiro yeriro saha Cohãcjũre tiquina ño peori wuhũ wahiquina cahseri wuhure, ijipihtiye ti wuhupũ ijiye ḡhure wejẽ siteahye. ²² Sa tjire. Ti dutiye ti nidiro sahata peye ñañene dii cohãno mehna cose wero cahmene. Mehenogã duhsaye ñañene apee boro mehna cose wegũ quehnoare. Sa yero Cohãcjũ mari ñañe yerire ne bosu dii cohãedagũ.

Cristo tiquiro diire cohãno, yariaro, tiquiro yequina ñañe yerire cose weahye

²³ Ti ijipihtiye Cohãcjũre tiquina ño peori wuhũ, ti wuhupũ ijiye ḡhũ uhmuse cjã wuhupũ ijiye yero saha ijiahye mari queoye mehna buheḡã. Uhmuse cjã wuhũ pehe potota Cohãcjũ ya wuhũ waro ijire. Sa yero ahri yehpa cjã wuhure, ti wuhupũ ijiye ḡhure wahiquina diire tiquiro wejẽ siteri mehna cose wero cahmeahye. Sa ye ti yuhduoro uhmusepũ wahatiquinare tiquina ñañe buhiri tiyequinare cose wero cahmene. Sa yero wahiquina yuhduoro ijiriquiro ye dii tiquiro

cohãno mehna tiquina ñaÑe yerire cose wero cahmene.

²⁴ Sa yero Cohãcjũre tiquina ño peori wuhũ masa yeri wuhũ ijire. Ëhmũse cjã wuhũ yero saha ijire ti wuhũ gãhũ, mari queoye mehna buhegũ. Sa yero Cristo pahi ijiro, marine sini basaro taro ahri yehpa cjã wuhũre sajãedahye. Potota ùhmũsepũ wahahye tiquiro Cohãcjũ caha marine sini basaro taro. ²⁵ Mari judio masa mari pahia pũhoro cũhmaripe Cohãcjũ ijiri tucũ waropũ sajãe tiahye wahiquina diire ohoro taro. Cristo pehe tiquiro diire Cohãcjũre ohoro saha yero taro, yariaro, peye tahari sajãedahye. ²⁶ Peye tahari yariariquiro ijiro, ahri yehpa iji dũcari bato peye tahari yariaboya tiquiro. Peye tahari tiquiro mari ñaÑe buhirire yariaducuriquiro ijiboya. Sa ijiboriquiro ijieperota pihtiri deco panogã yojopũre marine ijipihtinare yũhdũoro taro ihcã taha bajuahye tiquiro ahri yehpapũ. Sa bajuahye yariaro taro, mari ñaÑe buhirire cohãno taro.

²⁷ Ijipihtiyequina masa ihcã tahata yarieta. Tiquina sa yariari bato masa quehnoañequinare, ñaÑequina gãhare beserota Cohãcjũ. ²⁸ Ihcã tahata mari yariaro saha Cristo gãhũ ihcã tahata yariahye peyequina masa tiquina ñaÑe yerire cohãno taro. Came pari turi ahtarota. Mari ñaÑe yerire cohã tuhasariquiropũ ijirota. Sa yero pari turi mari ñaÑe yerire cohãno taro ahtasi. Sa ahtarotiquirore cohteyequinare, bucueye mehna tiquirore ihña duayequinare yũhdũoro ahtarota.

10

¹ Cohãcjũ dutiye Moiseretiquiro cũri quehnoañe

buheye yero saha ijiepetata, ihcãno saha ijierare. Ti dutiye ti ye dutiriro saha c̣hmaripe wahiquinare wejẽ, ɱjũa ṃo, Cohãcjũre ño peoducure. Tiquina sa yeye mehna masa tiquina ñañe yerire boerare Cohãcjũ. ² Ti mehna tiquina ñañe yerire Cohãcjũ bogũ, ihcã tahata Cohãcjũre tiquina ño peori bato “Yojop̣are buhiri mariedare ɱsãre”, ni ṭhotuboya masa. Sa ye pari turi wahiquinare wejẽ ɱjũa ṃo, Cohãcjũre ño peo ohoeraboya. Duhu cãboya. ³ C̣hmaripe wahiquinare wejẽ ɱjũa ṃo, Cohãcjũre tiquina ño peogũ tiquinare ñañe buhirire wacũgũ yere. To punogãta yedoho duare ti tiquinare. ⁴ Wec̣ua dii mehna mari ño peori mehna, chivoa dii mehna mari ño peori mehna ne mari ñañe buhirire cohãedare.

⁵ Ti ijirota ijire. Ti sa ijigũ ihñano Cristo ahri yehpap̣are tiquiro ahtato pano ohõ saha niahye Cohãcjũre:

Wahiquinare ɱjũa ṃo tiquina ohogũ, trigore tiquina ohogũ gũhare ṃḥḥ ihñag̣u bucuereare ṃḥḥ. Sa yeg̣u ỵḥḥ pag̣ure yeri ṃḥḥ ya pag̣u ijiatire. ⁶ Ñañene tiquina cohãtore wahiquinare wejẽ, tiquina ɱjũa ṃoogũ ihñag̣u bucuereare ṃḥḥ. ⁷ Ṃḥḥ sa bucuereagũ ihñag̣u ohõ saha nii ṃḥḥre: “Ṃḥḥ cahmeno sahata yeg̣u wahag̣uṭja. Sata ni yahure ṃḥḥ ya p̣ũp̣ḥ”, nii ỵḥḥ, niahye Cristo tiquiro Pac̣urore.

⁸ “Wahiquinare ɱjũa ṃo tiquina ohogũ, trigore tiquina ohogũ gũhare ihñag̣u bucuereare ṃḥḥ”, ni yahu ṃḥhtahye tiquiro. Coã warop̣are tiquiro ye dutiye wahiquinare, trigo gũhare tiquina ohoye mehna ti ño peo dutiepegũta sa niahye tiquiro. ⁹ Sa

ni tuhasa ohõ saha ni nemoahye: “M̄h̄u cahmeno sahata yeḡu wahaḡutja”, niahye. Tiquiro sa niḡũ ohõ saha masiaja mari. Panop̄u wahiquinare wejẽ uj̄ã m̄oñe mehna tiquina ño peorire duhuḡũ yero, apeye buheye pehere c̄no niahye Cohãcjũ. (Sa c̄no yojop̄u re Cristo tiquiro yariari mehna masare ȳhd̄uorota Cohãcjũ.) ¹⁰ Jesucristo tiquiro paḡu re ohoro, yariaro, ijipih̄tina marine mari ñano yerire cohãre. Ihcã tahata tiquiro paḡu re ohore mari ñañene cohãno taro. Sa yero Cohãcjũ cahmeno sahata yero niahye.

¹¹ Ijipih̄tina mari judio masa mari yequina pahia decoripe Cohãcjũre ño peori w̄h̄ap̄u dahraducure. Sa dahraducure decoripe m̄nanota wahiquinare wejẽ, uj̄ã m̄o, Cohãcjũre siniducure. Tiquina sa wejẽ uj̄ã m̄oepeḡuta ti uj̄ã m̄ori mari ñano yerire ne cohãedare. ¹² Cristo pehe ihcã tahata mari ñañe buhirire yariahye, mari ñañe yerire quehnoano cohã pehoru taro. Tire cohã tuhasa, wahaa wahahye tiquiro Pac̄u ro cahap̄u tiquiro poto pehe dujiro waharo. P̄h̄toro ijiro, top̄u dujire. ¹³ Top̄u dujiro, cohtero nine. Tiquirore ihña tuhtiyequinare Cohãcjũ pehe tiquiro ȳhd̄ud̄uca basatore cohtero nine. ¹⁴ Sa yero ihcã tahata tiquiro yariari mehna tiquina ñañene cohãnohriquinare ñañe marieñequina sa ijiducuḡũ yere tiquinare. ¹⁵ Ti ijirota ijire. Sata ni yahure Esp̄ritu Santo marine. Ohõ saha ni yahure tiquiro:

¹⁶ Ohõ saha nine Cohãcjũ: “Camer̄u re ohõ saha ni yahutja Israe masare. ‘Ȳh̄u dutiyere tiquina wacũñep̄u c̄tja’, ni yahutja”, nine tiquiro.

17 Ohõ saha ni nemore Cohãcjũ:

“Tiquina ñañe yerire pari turi wacũ nemosi yũhũ”,
nine tiquiro, ni yahure Espíritu Santo.

18 Mari ñañe yerire tiquiro sa bogũ pari turi mari
ñañe buhiri yariatiquiõre cahmedaja mari.

*Cohãcjũ cahapũ esana, cuero marieno tiquiro
mehna mari yahuducuboriro saha tiquiro mehna
yahuducu masiaja yojopũre*

(Mt 27.51; Mr 15.38; Lc 23.45)

19 Sa yena yũhũ acaye, Cristo tiquiro yariaro
mehna tiquiro dii cohãno mehna yojopũre mari
gũhũ cuero marieno Cohãcjũ mehna yahuducu
masiaja. Sa yena tiquiõre sini masiaja. 20 Ahri
yehpa cjũno pahia pũhtoro Cohãcjũ ijiri tucũ
waropũ tiquiro yemedi yojopũre marine dũhseati
ijierare. Ti mehna Cohãcjũ mehna yahuducu
masiedaja mari. Cristo pehe mari ñañene yeri
buhirire yariaro tiquiro dii cohãri mehna Cohãcjũ
mehna yahuducu masiaja mari. Pahia pũhtoro ti
tucũpũ tiquiro sajãriro sahata Cristo pehe Cohãcjũ
cahapũ esahye mari ñañe yerire bo dutiro wa-
haro. Ti tucũ cjã cahserore cahmotari cah-
serore tiquiro tũhrẽ cohãriro saha Cristo tiquiro
pagũre cohãhye Cohãcjũ mehna marine iji dutiro.

21 Sa yero Cohãcjũ ya wũhũpũ dahrariquiro mari
yaquiro pahi tutua yũhdũariquiro ijire tiquiro.

22 Sa yena Cohãcjũre siniihna poto ni mehono
marieno. Tiquiõre quehnoano wacũ tutua, cuero
marieno tiquiõre siniihna. Cristo mari ñañe
yerire tiquiro cose wenohrinapũ ijiaja. Sa yena
“Buhiri tina ijiaja mari”, ni tũhotuna ijieraja mari.
Sa yena wete marieñe aco mehna mari cose wero

saha Espiritu Santo tiquiro cose wenohrinapɯ iji-aja. Sa yena Cohãcjũre siniihna. ²³ “Musare yãhdɯoutja”, tiquiro nidiro sahata yerota. Sa yena marine tiquiro yãhdɯoatore quehnoano masiaja mari. Tire masina, ne boeracũhna. Cohãcjũre sa wacũ tutuaducuuhna. Sa wacũ tutuana tire apequinare yahuaja. ²⁴ Mari mehna cjẽnare cahĩna, tiquinare yedohouhna mari, ijipihtina mari ihcãno saha mari cahme cahĩ yedohoato saha. ²⁵ Sa yena quehnoano cahmecoaducuuhna Cohãcjũ yere yena tana. Apequina pehe tiquina cahmecoamedirore duhuye nine. Tiquina yero saha yeracũhna. Mari mehna cjẽnare bucuegũ yeihna. Ahri yehpapɯre mari pũhtoro ahtato mehenogã dũhsare. Tire masina tutuaro bucuegũ yeihna mari mehna cjẽnare Jesu yequinare.

²⁶ Poto ijiye buheyere quehnoañe buheyere mari masiepenata ñañene mari pari turi sa yeducugũ mari ñañene cose we nemoato ne mariedare. ²⁷ Sa yero sa yeyequinare cuarĩne. Ijipihtiyequina tiquirore ihña tuhtiyequinare buhiri dahrero, tutuaro ɯjũnopɯ cohãnota Cohãcjũ tiquinare. Sa ye tiquiro buhiri dahreatire cueyequina dihita ijimene tiquirore duhuyequina. ²⁸ Cohãcjũ dutiye Moiseri tiquiro cũrire yãhdɯdɯcayequinare buhiri dahreye, mari acaye judio masa wejẽne tiquinare. Ne paja ihñano marieno wejẽne tiquinare. Ihtiaro tiquina yahusãgũ tũhoro beseriquiro tiquina yãhdɯdɯcarire masino tiquinare buhiri dahre dutire. Ihtiaro mariedagũ pũaro tiquina yahusãgũ tiquinare buhiri dahre dutire. Sa dutigũ tiquinare wejẽne.

29 Ti bui cjũno Cohãcjũ macũnore ihña yabiyequina tiquiro buhiri dahreatiquina ijietã. Cristo dii cohãri mehna mari ñãñe yerire cohãre Cohãcjũ. Sa cohãtore yahuahye tiquiro marine. Sa yeye tiquina ñãñe yerire cohãnohriquina ijiepetã pari turi ñãñene yeye, tiquina ñãñe yerire tiquiro cohãrire tiquiro dii gãhãre “Ihyo waro ijire”, niñe nieta. Sa niñequina tiquiro buhiri dahreatiquina waro ijiye nieta. Sa niñequina Espĩritu Santore ñano ni yahuducuyequina ijire. Tiquiro tiquinare cahĩniquiro ijire. Tiquina sa ñano yahuducugũ ihñano tutuaro buhiri dahrerota Cohãcjũ tiquinare. 30 Ahrire mari quehnoano masiaja. Cohãcjũ tiquiro basita ohõ saha niahye: “Yũhũ ijiaja buhiri dahreacjũ. Tiquina ñãñene yeri buhiri buhiri dahreitja yũhũ”, niahye tiquiro. Ohõ saha ni nemoahye: “Yeequina ijimediquinare ñano yeyequinare buhiri dahreitja yũhũ”, niahye tiquiro. 31 Cohãcjũ catiriquiro marine tiquiro buhiri dahregũ cua yũhdũare.

32 Panopũ masa ijirire wacũña masa. Ti pjere Cohãcjũ yere coã masi dũcana peye tahari ñano yũhdũepenata tiquiro yere cohãedari masa. 33 Ihquẽ tahari masa tiquina ihñonopũ apequina mũsare ñano ni, ñano yeperi mũsare. Sa yena apequina Jesu yequinare tiquina ñano yegũ ihñana, tiquinare paja ihñari masa. 34 Peresupũ ijieyequinare paja ihñari masa. Sa yena masa yere tiquina ehmaepẽgũta bucueye mehna, “Quehnoanota”, nidi masa. Ahri yehpa cjẽ yũhdũoro quehnoañene cũore masa yũhmũsepũ. Ti quehnoañe sa ijiducueta. Tire masina, masa cũoyere tiquina ehmagũ bũjũa witierare

musa. ³⁵ Sa yena cueracãhña. Cohãcjüre sa wacũ tutuaducuya. Musa sa yeri wapa tiquiro quehnoano yerota musare. ³⁶ Cohãcjũ “Musare ohõ saha yedohoutja”, tiquiro ni cõrre quehnoano cohteya musa tiquirore wacũ duhuro marieno. Sa cohtena tiquiro cahmeñene yenata musa. Sa yena tiquiro ni cõrre cõnata. ³⁷ Ohõ saha nine Cohãcjũ yere tiquina ojoari pũrũ:

Mehenogã duhsare Cristo wihiato. Sa ahtaro duita wihi madoqueorota. ³⁸ Yeequina quehnoañequina pehe yũhare wacũ tutuaducuenta. Sa ye yeequina yũhũ mehna sa ijiducuenta. Yeere cohãñequina pehere ihña yabiaja yũhũ, niahye tiquiro ye yahuducuye tiquina ojoari pũrũ.

³⁹ Mari pehe Cohãcjũ yere cohãrina ijieraja mari. Sa yena pecarũ wahatina ijieraja mari. Cohãcjüre wacũ tutuaja mari. Sa yena tiquiro yũhdõrina ijiaja.

11

Wacũ tutuayere yahuahye

¹ Ohõ saha ijire wacũ tutuaye: Cohãcjüre wacũ tutuana, marine tiquiro quehnoano yeatire quehnoano masiaja mari. Cohãcjũ tiquiro nidiro sahata yeraniepegãta tiquiro yahuyere “Ijirota ijire”, ni tãhotuaja mari tiquirore wacũ tutuana. Tiquirore ihñedapenata, wacũ tutuana, “Ijirota ijire”, ni tãhotuaja mari tiquiro yahuyere tãhona. ² Panopũ cjẽna Cohãcjüre tiquina wacũ tutuagũ ihñano bucueahye tiquiro pehe.

³ Cohãcjũ tiquiro yahuducuye mehna ijipihtiyere bajumehnee tiahye. Sa yero tiquiro mari ihñedari mehna ijipihtiyere mari yojopũ ihñañene bajumehnee tiahye. Tire mari quehnoano masiaja Cohãcjũre wacũ tutuana pũrita.

⁴ Cohãcjũre wacũ tutuaro Abe pehe corderore wejẽ, ʘjũa mũo, Cohãcjũre ño peo “Quehnoare”, niahye. Tiquiro wahmino Caĩ yũhdũoro quehnoanore ohoro, ño peoahye tiquiro Cohãcjũre. Sa yero Cohãcjũ tiquiro ohorire bucueahye. Sa bucuero “Quehnoariquiro ijire”, ni ihñahye tiquiro Abere. Sa Cohãcjũre tiquiro wacũ tutuagũ ihñana mari tiquirore ihña cũaja. Sa yena tiquiro yariari bato ijiepegũta tiquiro wacũ tutuarire ihña cũaja mari.

⁵ Enoco Cohãcjũre tiquiro wacũ tutuagũ ihñano bucueahye Cohãcjũ. Sa bucuero tiquirore tiquiro cahapũ ne mũoahye. Sata nine Cohãcjũ yere tiquina ojoari pũpũ. Tiquiro ne mũori bato masa tiquirore ne bocaerahye. Tiquiro ne mũonohriquiro ijiro ne yarierahye. ⁶ Cohãcjũre wacũ tutuerana tiquirore bucuegũ ye masiedaja mari. Cohãcjũre wacũ tutuerana, tiquirore ño peo masiedaja mari. “Potota tiquiro Cohãcjũ warota ijire. Sa yero tiquirore mari ño peogũ marine quehnoano yere tiquiro”, mari ni tũhotuerana mari tiquirore sini masiedaja.

⁷ Noé Cohãcjũre wacũ tutuaro, tiquirore Cohãcjũ yahurire quehnoano yũhtiahye. Camerũ tiquina ñano wahatore tiquiro yahugũ tũhoro quehnoano yũhtiahye tiquiro. Sa yũhti, pajiria yucũsare yeahye. Sa yeye tia yucũsa mehna tiquiro acaye

mehna dia mininore yãhdũahye. Sa wacũ tutu-
ariquiro ijero ahri yehpa cjẽna ñãñequina tiquina
wacũ tutuerearire tiquina pecapũ wahato gãhũre
ihñono niahye. Sa yero tiquiro wacũ tutuagũ
ihñano “Quehnoariquiro ijire”, ni ihñahye Cohãcjũ
tiquirore.

⁸ Abrahã gãhũ Cohãcjũre wacũ tutuaro tiquirore
yãhtiahye. Ape dihtapũre tiquirore ohoati
dihtapũre Cohãcjũ waha dutigã tãhoro Abrahã
yãhtiahye. Tiquiro ya dihtapũ ijiriquiro wijiaa
waharo, tiquiro masiedi dihtapũ esahye. ⁹ “Ahri
dihtare mãhũre ohoutja”, Cohãcjũ nigã tãhoro
tiquirore wacũ tutuaro ti dihtapũta tojoahye
tiquiro. Topũ ijero ape dihta cjẽno ijieperota
topũta tojoa cãhye. Tiquirore, tiquiro macũno
Isaac gãhũre, tiquiro panamino Jacob gãhũre
tiquinare “Ahri dihtare mãsare ohoutja”, ni
Cohãcjũ yahue tiahye tiquinape. Tiquina tãhoe
tiahye. Sa yeye tiquina ti dihtapũ ijiye, wahiquina
cahseri wãhũsepũ ijie tiahye mãnãno ijieyequina
ijiyẽ. ¹⁰ Topũ ijinie tiahye Abrahã Cohãcjũ mehna
tiquiro ijiatore cohtero. Ape macapũ Cohãcjũ
ijiri macapũ ãhmũsepũ tiquiro wahatore cohtero
niahye. Tĩ macare dahreahye Cohãcjũ. Sa yero ti
maca ne pihtisi.

¹¹ Cohãcjũre wacũ tutuaro, bũcũro waro ijieper-
ota, tiquiro namono Sara bũcũoro waro ticoro
ijiepegũta, Abrahã pohna tiahye. “Tiquiro ni-
diro sahata yerota”, Cohãcjũre nino sa pohna
tiahye. ¹² Sa yero Abrahã bũcũro waro ijieper-
ota pohna tiahye. Sa yeye tiquiro panamena iji
turiayequinapũ peyequina waha cãhye. Ñãhpicoha

parire, padu pjeri gũhure mari queona ihcãno sahaeraro sahata tiquiro panamena iji turiayequina gũhure queona ihcãno sahaeraja mari.

¹³ Ijipihtiyequina ahriquina yuhuh yahuriquina Cohãcjũre wacũ tutua tuhasayequinapuh yariahye. Cohãcjũ tiquinare “Musare ohõ saha yeitja”, tiquiro ni cũrrore eserapeta yariaa wahahye. Tire ñehedapeta Cohãcjũ tiquiro nidiro sahata camepu tiquina cuoatire masiahye. Sa masiñe bucueahye. Sa yeye ohõ saha niahye tiquina: “Ahri yehpapuh tinina ijiaja. Ape yehpa cjãna ijiaja”, niahye tiquina. ¹⁴ Sa niñequina ape yehpare tiquina ya yehpa ijiatore cohteye nine. Tire mari quehnoano masiaja. ¹⁵ “Ape yehpa cjẽna ijire”, niguh panopuh tiquina cohãri yehpare niguh niedaja. Ape yehpapuh tiquina iji muhtari yehpapuh waha dua, wahaa wahaboya. ¹⁶ Quehnoa yuhdhari yehpa pehere cahmeñe niahye. Ti yehpa uhmusepuh ijire. Tiquina sa cahmegũ ihñano “Cohãcjũ usã puhtoro ijire”, tiquina nigũ tuhoro bue tisi Cohãcjũ. Tiquina ya maca ijiatore dahre basa tuhasahye tiquiro.

¹⁷⁻¹⁸ Cohãcjũ Abrahãre tiquiro macunore Isaare wejẽ ujãa mho dutiahye. Tiquirore ihña duaro sa dutiahye, “¿Ijirota yuhure wacũ tutuajari?” nino. Cohãcjũre wacũ tutuaro tiquiro nidiro sahata yemahye Abrahã. “Muhuh macuh Isaac mehna panamena iji turiayequinare peyequinare cuoguta muhuh”, Cohãcjũ tiquiro nidiquiro ijiepegũta tiquiro macunore wejẽno taro nimahye Cohãcjũre ño peoro taro. ¹⁹ “Yuhuh macuh Isaare yuhuh wejẽgũ Cohãcjũ tiquirore masonota”, ni tuhuturo, tiquirore wejẽno taro nimahye. Sa nidiquiro ijieperota Cohãcjũ tiquirore cahmota,

wejẽ dutierahye. Tiquiro pacuro tiquiro sa wejẽboriquiro ijiro yaria masariquiro yero saha ijiahye Isaac, Abrahã ihñagũ. Sa yero Abrahã tiquirore catiriquirore pari turi cnoahye.

²⁰ Isaac Cohãcjũre wacũ tutuaro, tiquiro pohnene Jacore, Esaú gũhare “Camepũ Cohãcjũ mũsare pajiro quehnoano yerota”, niahye.

²¹ Cohãcjũre wacũ tutuaro Jacob tiquiro yariato panogã José pohnene, umũare “Cohãcjũ mũsare pajiro quehnoano yerota”, niahye Jacob. Dũsepe curi mehna quehe sa, tiquiro tuadũ mehna tua ñehe cuña, Cohãcjũre ño peoro “Cohãcjũ mũsare quehnoano yerota”, ni cũahye.

²² Cohãcjũre wacũ tutuaro José tiquiro yariato panogã Israe masa Egiptopũ ijিয়েquina tiquina wi-jiatire yahuyuahye. Sa tiquina wi-jiatire masiyuro tiquiro yariari bato tiquiro pagũre nea dutiahye tiquiro pohnene.

²³ Cohãcjũre wacũ tutuaye, Moisegãre ihtia asũ waro nũo cnoahye tiquiro pacũsumũa, tiquiro masa bajuari bato. Quehnoariquirogã tiquiro ijigũ ihñañe tiquirogãre nũoahye. Ti yehpa cjẽna pũhtoro tiquina pohnene tiquiro wejẽ dutirore yũhdũdũca cãhye tiquina. Tiquirore cuerahye.

²⁴ Moisere masoricoro Egipto yehpa cjẽna pũhtoro macono ijiahye. Sa ticoro masonohriquiri ijiro, Cohãcjũre wacũ tutuaro “Ticoro macũno ijire”, ni pisugũ cahmedahye Moise. ²⁵ Cohãcjũre yũhdũdũcariquiro ijiro tiquirore masoricoro cahapũ meheñe decorigã quehnoano ijiboya. Sa ijiboriquiro ijieperota ti yũhdũoro tiquiro Cohãcjũ yequina mehna

ñano yũhdũ duahye. ²⁶ Sa ñano yũhdũro Cristore tiquina bũjũpeato sahata tiquina bũjũperiquiro ijiahye. Camerũ tiquiro quehnoano yeri wapa Cohãcjũ tiquirore tiquiro quehnoano yeatire masino ñano yũhdũ duahye, Cristo tiquiro ñano yũhdũato sahata. Ijipihtiyequina Egipto cjẽna quehnoañene tiquina cũoro yũhdũoro tiquiro Cohãcjũ pehere tutuaro cahmeahye. Ñano yũhdũeperota, Cohãcjũre cahmeahye.

²⁷ Cohãcjũre wacũ tutuaro, Egipto cjẽna pũhtoro tiquiro mehna usuagũ cuerahye. Sa cueraro ti yehpapũ ijiriquiro ti yehpare cohã cãa wahahye. Sa yero Cohãcjũre bajueriquirore tiquiro ihñaboriro saha cuerariquiro ijiahye. Cohãcjũ tiquirore ye dutirire ne cohãedahye Moise. ²⁸ Cohãcjũre wacũ tutuaro Moise Israe masare Cohãcjũ yũhdũoatire masiahye. Sa masino Cohãcjũ dutiriro sahata Israe masa tiquina sopecaharire ohõñe pjĩnine dii mehna wejẽ site dutiahye tiquiro. Tiquina sa yegũ ihñano angel masare wejẽdiquiro tiquina wahmisũmũare wejẽboriquiro Israe masa pohne wahmisũmũare wejẽdahye.

²⁹ Cohãcjũre wacũ tutuaye, Israe masa “Sohãri ma”, tiquina nidi mapũ aco watoa ijiri mahapũ aco marieni mahapũ pehãa wahahye. Tiquina sa pehãgũ ihñañe Egipto cjẽna gũhũ tiquinare ihña cũ, nũnũ tã pehãmehe, mini yariaa wahahye.

³⁰ Cohãcjũre wacũ tutuaye, Israe masa Jericó wame tiri maca cjã sahrĩno pajiri sahrĩno behero pehe majare sotoahye. Siete decori waro ti macare majare sotoa tiniahye. Tope decori tiquina majare sotoa tinidi bato ti sahrĩno sehte

bora dijia pihtia wahahye. ³¹ Cohãcjũre wacũ tutuaro ʘmʘa mehna ñano yeducumedicoro Rahab wame tiricoro, ti maca cjõno Israe masare yedohoahye. Ti macare tiquina cohãto pano meheñequinagã Israe masa topʘ sajã tiquina duhti ihñagũ, ticoro tiquinare yedohoahye. Ticoro sa yedohogũ ihñañe Israe masa wejẽdahye ticorore. Sa yeye ti maca cjẽnare Cohãcjũre yʘhdʘdʘcayequinare wejẽpeta ticoro pehere wejẽdahye.

³² Apequinare Cohãcjũre wacũ tutuayequinare yahu nemoboa yʘhʘ. Sa yahu duepegʘta peyequinare sa Cohãcjũre wacũ tutuayequinare yahu ojoa peho masiedaga yʘhʘ. Peyequina ijire tiquina. Gedeõ, Barac, Sansõ, Jefte, Davi, Samuel, Cohãcjũ yere yahu mʘhtariquina gũhʘ ahriquina ijipihtiyequina yʘhʘ yahuboriquina ijire. ³³ Cohãcjũre wacũ tutuayequina ihquẽquina apeye yehparipʘ ijiye macari cjẽnare cahme wejẽ yʘhdʘdʘcahye. Sa yeye apequina quehnoano dutiyequina ijiahye. Cohãcjũ tiquinare “Mʘsare yedohoutja”, tiquiuro nidiro sahata tiquinare yedohoahye. Tiquirore tiquina wacũ tutuagũ ihñano sa tiquinare yedohoahye. Sa wacũ tutuaye, yayia tiquinare ihya duagũ tiquina dʘserire bihagũ yeahye tiquina. ³⁴ Tutuaro ʘjũri pecapʘ ijiepeta ʘjũedahye tiquina Cohãcjũre wacũ tutuaye. Apequina tiquinare ñose wejẽ duagũ duhti cãa wahahye Cohãcjũre wacũ tutuaye. Tutueyequina ijiepeta Cohãcjũre wacũ tutuaye tutuayequina wahahye. Cohãcjũre wacũ tutuayequina ijiye, cahme wejẽñe tutuayequina ijiahye. Sa ye apeye yehpari cjẽna surara

tiquinare wejẽne ahtayequina ne ihcãno sahaerahye tiquinare. ³⁵ Ihquẽquina numia Cohãcjũre wacũ tutuagũ ihñano tiquina acaye yariagũ ihñano Cohãcjũ pehe tiquinare maso basahye.

Apequina “Cohãcjũre cahmedacãhña”, tiquina ni peresu yenhriquina ijiepetã Cohãcjũre duhu duerahye. “Cohãcjũre m̄usa duhugũ m̄sare wionata”, nimahye tiquinare peresup̄m̄ yenhriquina Cohãcjũ yequinare. Tiquina sa niepegũta tiquinare yãhtierahye, Cohãcjũ cahap̄m̄ tutuaro waha duaye. Sa yeye tiquinare ña yãhdũaro tiquina yepegũ yariaa wahahye. ³⁶ Apequinare Cohãcjũre wacũ tutuayequinare ñano ni b̄j̄ape tiquinare tana m̄j̄ae tiahye. Sa yeye apequinare dahpocãrine, omocarine dũhte cãa, peresu yeahye. ³⁷ Cohãcjũre wacũ tutuayequinare ñañequina utã mehna doque wejẽahye. Apequinare tiquina pagũrire seroti mehna yãhre sure m̄j̄ahye. Apequinare ñoseñe p̄j̄ni mehna ñose wejẽahye tiquina. Sa yeye tiquina sa ñano yepenohñequina oveja cahseri mehna, cabra cahseri mehna suhti tiyequina pejec̄m̄oyequina ijiahye. Sa ye apequina tiquinare ñano yepeahye. ³⁸ Tiquina quehnoa yãhdũayequina ijigũ ahri yehpa cjẽna ñañequina tiquina mehna ijiboriquina ijierare. Ahriquina Cohãcjũre wacũ tutuayequina wãh̄use mariẽñequina ijiye, masa marienop̄m̄, c̄n̄n̄ c̄j̄p̄m̄ iji soto tae tiahye. Sa iji soto tae, c̄n̄p̄m̄ ijiye coperip̄m̄, yehpap̄m̄ ijiye coperip̄m̄ gũh̄are carĩ soto tae tiahye.

³⁹ Ahriquina ijipihtiyequina Cohãcjũre tiquina

wacũ tutuagũ ihñano bucueahye tiquiro. Tiquina sa wacũ tutuepegũta Cohãcjũ tiquinare “M̄sare ȳhd̄outja”, tiquiro nidiro eseraniahye. ⁴⁰ Tiquiro ȳhd̄oeranidire yahuro ohõ saha ni t̄hotuahye Cohãcjũ. “Ahriquina yeequina camer̄ure ijiatiquina mehna ihcãno saha ihcã curuap̄ata ȳhd̄outja”, ni t̄hotuahye. Sa ni t̄hoturo tiquiro nidiro sahata yerota. Tiquiro sa yegũ quehnoa ȳhd̄are panop̄a tiquiro yeriro ȳhd̄oro.

12

Jesure sa wacũducuhna mari

¹ Sa yena ahriquina ȳh̄a yahuriquinare peyequina Cohãcjũre wacũ tutuayequinare ñañene yeeyequinare masina, ijipihtiye ñañe yeyere duhu cãhna mari gũh̄a. Ohõ saha ijire mari queoye mehna buhegũ: Omaperiquirore oma tutuagũ cahmotaye ijire apeye. Tiquiro dahpo suhti n̄ucũne suhti tiquirore oma tutueragũ yeboaga. Ti yero saha Cohãcjũ cahmeñene mari ye duagũ cahmotaye gũh̄a ijire. Ti gũh̄are duhuuhna mari. Sa yena omapeyequina tiquina oma tutuaro saha mari gũh̄a tutuaro Cohãcjũ cahmeno saha yeihna. ² Sa yena Jesure sa wacũducuhna mari. Tiquirota ijire marine wacũ tutua d̄ucagũ yeriquire. Sa yero marine wacũ tutua nemogũ gũh̄are yere tiquiro. Curusap̄a yariaro wacũ tutuahye. Came tiquiro bucueatore masino curusap̄a yariahye. Sa yariaro b̄ue tiboriquire ijieperota b̄ue tierahye tiquiro. Sa yero yojop̄ure Cohãcjũ tiquiro p̄htoro dujoro poto pehe dujitjiãno tiquiro dutiriquiro ijire.

³ Ñañequina masa tiqirore tiquina ña yuhduaro yegũ ihcãno sahaye tiqiro. Tire wacũña m̄sa, m̄sa gũh̄ ñano yuhd̄na, “Ihcãno sahaerabo”, nina. Tire wacũña m̄sa “Tiqirore wacũ tutua duhuari”, nina. ⁴ Ñano yuhd̄epenata ñañene yerare m̄sa. Sa ñano yuhd̄epenata ña yuhduaro waro yuhd̄eraniaga m̄sa. Ñañequina m̄sare wejẽdarĩaga. ⁵ ¿Cohãcjũ m̄sare tiqiro pohñare tiqiro yahurire bo cjãri m̄sa? M̄sa ñano yuhd̄atire tiqiro yahurire wacũña m̄sa. Ohõ saha niahye tiqiro:

Yuh̄ m̄ac̄, m̄uh̄re yuh̄ yahugũ usueracãh̄ña ñano yuhd̄ep̄eḡta. M̄uh̄re yuh̄ tuhtigũ t̄h̄oḡ b̄j̄ua witieracãh̄ña. ⁶ Ijipihtiyequina yuh̄ cah̄ñequinare yahuaia. Sa yeḡ ijipihtiyequina “Yuh̄ pohña ijire m̄sa”, yuh̄ ni ihñañequinare yuhd̄d̄ca dutieraja. Sa yeḡ tiquina yuhd̄d̄cagũ ihñaḡ tiquinare buhiri dahreaia, niahye Cohãcjũ.

⁷ Ñano yuhd̄na Cohãcjũ yere duhueracãh̄ña. Cohãcjũ m̄sare tiqiro pohñare buhiri dahrero nine. Tiquina pac̄sum̄a tiquina pohñene sa yahuducure. Sa yeye tiquinare buhiri dahreducure. Sata yere Cohãcjũ gũh̄ marine tiqiro pohñare. ⁸ Ijipihtiyequina tiqiro pohñene yahure Cohãcjũ. Cohãcjũ m̄sare yahueragũ tiqiro pohña waro ijierare m̄sa. Pac̄sum̄a marieñequina yero saha ijire m̄sa tiqiro yahumehñena ijina. Sa ijina “Usã pac̄ waro ijire”, ni masiedare m̄sa Cohãcjũre, m̄sare tiqiro yahueragũ. ⁹ Mari pac̄sum̄a marine

tiquina yahugã tuhona tiquinare ño peoaja mari. Mari pacusumhare mari ño peoro yuhdoro ño peoro cahmene mari Pacure Cohãcjãre tiquiore yahugã. Sa yena tiquiore yuhtiro cahmene marine. Sa yuhtina ijina ijipihtiye decori tiquiore mehna ijinata. ¹⁰ Meheñe decorigã ahri yehpapu mari ijinigã mari pacusuma marine yahuye, buhiri dahrere. Tiquina esa tuharo tiquina masino punota marine yahuye, buhiri dahrere. Cohãcjũ pehe marine quehnoano yahure. Sa yero tiquiore masiñe mehna marine buhiri dahrere, marine quehnoana bucua dutiro. Sata yere marine tiquiore yero saha quehnoana marine iji dutiro. ¹¹ Marine tiquiore buhiri dahregã bucueraja mari. Mari ihyo bujua witiaja. Sa bujua witiopenata tiquiore sa buhiri dahreri bato quehnoana wahanata mari. Sa yena ñañene yero marieno quehnoano ijinata.

Cohãcjũ marine tiquiore dutiyere mari yuhtieragã cuarĩne marine

¹² Sa yena wacũ tutuera cjũna ijiepenata Cohãcjũre wacũ tutuana ijiya. Tiquiore duhueracãhña. ¹³ Quehnoano potori mahare musa waharo saha quehnoano poto yeya musa. Musa sa yegã ihña cũñe apequna Jesu yequina ñañene yesi. Musa quehnoano yegã ihña cũñe quehnoano wacũ tutuera cjũñequina gũhu wacũ tutuayequina wahaeta.

¹⁴ Ijipihtiyequina masa mehna quehnoano ijiya, cahmequeno marieno. Sa yena ñano yeracãhña. Ñañe marieñequina dihita mari puhtoro Cristore ihñaeta. ¹⁵ Quehnoano yeya musa. Cohãcjũ

m̄sare tiquiro yedohogũ quehnoano yahtiya. Ñãñe taa diaye tiquina oteyere ti dojomehnenosaha m̄sa ḡh̄u Cristo yere duhueracãhña, “Apequinare dojomehneari”, nina. ¹⁶ Ne w̄hana tieracãhña. Sa yena Cohãcjũ yere cahmeena ijieracãhña. Cohãcjũre cahmeediquiro ijiahye Esaú. Tiquiro wahmino ijimahye. Sa yero tiquiro pac̄ro yariari bato tiquiro pac̄ro yere c̄oatiquiro ijimahye. Cohãcjũ tiquiro pac̄rore tiquiro ni c̄uri ḡh̄ure c̄oatiquiro ijimahye. Sa yero ihcã deco ihcã pa ihyaye pose tiri pare cahmeno, ti pa mehna tiquiro bah̄ro pehere tiquiro wahmino wahagũ yero taro comesahye. ¹⁷ Tiquiro sa yeri bato tiquiro d̄hse waharire masine m̄sa. Tiquiro pac̄ro tiquirore ohoatire tutuaro cahmemahye Esaú. Tiquiro sa cahmepegũta tiquiro bah̄rore wahmino wahagũ yeri buhiri, came tiquiro c̄oborire ohoerahye tiquiro pac̄ro. Tire utiye mehna tiquiro siniepegũta tiquirore ohoerahye.

¹⁸ Cohãcjũ dutiyere Moiserere tiquiro c̄ugũ mari acaye Israe masa m̄na Cohãcjũ mehna ijie tiahye. Tiquina tiquiro mehna ijiriro saha m̄sa pehe ijierare. Ohõ saha yeahye tiquina pehe. C̄n̄p̄ Cohãcjũ mehna ijiye taye, esahye. Ti c̄n̄ pehe Sinaí wame tid̄ ijiahye. Ti c̄n̄re dahra tuhu masiahye masa. Ti c̄n̄p̄ tiquina esagũ tutuaro peca ɱjũahye. Sa yero nahitiano, bueri, tutuaro wihnono mehna ijiahye ti c̄n̄p̄re. ¹⁹⁻²⁰ Ti c̄n̄p̄ tiquina esagũ corneta bisiro ca tahye. Sa yero yahuducuye bisiro ca tahye. Ti sa yahuducuye bisigũ t̄hoye, masa ihcãno sahaer-

ahye. Cohãcjũ cuaro mehna ohõ saha ni, dutiahye tiquinare: “Ijipihtiequina ahdu canure dahra tuhuyequinare utã mehna doque wejẽña tiquinare. Ahdure dahra tuhuriquiro wahiquiro waro tiquiro ijiepegãta tiquiro gũhare utã mehna doque wejẽña tiquirore. O ñosenã mehna ñose wejẽña tiquirore”, niahye Cohãcjũ. Tiquiro sa nigũ tũhoye ihcãno sahaerahye tiquina. ²¹ Sa yero ijipihitiye tã canurũ ijiro tiquiro ihñarire ihña cuero, ohõ saha niahye Moise: “Cuegũ nanaregũ niaja”, niahye tiquiro.

²² Sa Cohãcjũ mehna tiquina iji dũcariro sahata ijierare m̄sa pehe. Cohãcjũ mehna ijina wahana, Siõ wame tidurũ ãhm̄use cjãdurũ m̄sa esaboro saha potota Cohãcjũ mehna yahuducure m̄sa. Cohãcjũ catiriquiro ya macarũ m̄sa esaboro saha potota tiquiro mehna yahuducure m̄sa. Ti maca ape maca wahma maca Jerusalẽ ãhm̄use cjã maca ijire. Topure peyequina angele pari ijire. ²³ Tiquina Cohãcjũ mehna bucueye tehe cahmecoañequina ijire. Sa yena m̄sa pehe tiquiro ya maca cjãna ijina, topũ Cohãcjũ pohne iji m̄htañequina mehna m̄sa cahmecoaboriro saha ijire. Tiquina tiquiro pohne wamene tiquiro ojoa ohõri tjurũ ãhm̄usepũ tiquina wamene tiquiro ojoa ohõnohriquina ijire tiquiro pohne. Tiquiro pehe mari Pacũ pehe ijipihtiequinare beseatiquiro ijire. Tiquiro mehna cjãna ijire m̄sa pehe. Sa yena tiquina quehnoañequina Cohãcjũ yequina mehna cahmecoano saha ijire m̄sa gũhũ. Tiquinare iji m̄htariquinare ñaño marieñequina ye tuhasahye Cohãcjũ. ²⁴ Sa yena Jesu mehna cjãna ijire m̄sa pehe. Wahmanopũ Moiserẽ tiquiro

duti cūrire comesaro “M̄sare ȳhd̄outja ȳh̄”, ni cūahye Cohācj̄ marine. Tiquiro sa ni cūriro sahata yeriquiro ijire Jesu. Tiquiro diire cohā, tiquiro yariari mehna marine sa ȳhd̄ore. Abe m̄n̄ano tiquiro dii cohāgū ih̄n̄ano Cohācj̄ Abere wejēdiquirore buhiri dahreahe. Jesu pehe tiquiro diire cohāgū, tiquiro yariari mehna quehnoano ȳhd̄aja mari. Sa yero Abe tiquiro dii cohāri ihyo warota ijiahe. Cristo pehe tiquiro dii cohāri bato quehnoa ȳhd̄aro yeahye Cohācj̄ marine. Sa ye tiquiro dii cohāri ihyo warota ijierare.

²⁵ Sa yena quehnoano yeya m̄sa. Cohācj̄ yere m̄sare yahuriquirore quehnoano ȳhtina ijiya. Panop̄ ahri yehpap̄ ijiriquiro Moise Cohācj̄ yere tiquiro yahugū t̄hoye, peyequina tire t̄ho duerahye. Sa tiquina t̄hoerari buhiri buhiri dahreahe Cohācj̄ tiquinare. Tiquina ȳhd̄oro buhiri dahrerota Cristore cohāñequinare. Cristo pehe ̄hm̄sep̄ ijiriquiro Cohācj̄ yere yahuriquiro ijire. ²⁶ Ti pjere Moisere tiquiro dutiyere cūri pjere Cohācj̄ tiquiro yahuducuro mehna yehpa ñuhmigū yeahye. Yojoṗ̄ pehere oh̄ saha ni yahuahye tiquiro: “Ihcā tahata ahri yehpa ñuhmigū ye nemoutja. Ahri yehpa dihitare ñuhmigū yesi ȳh̄. ̄hm̄sep̄ ḡh̄re ñuhmigū yeitja”, ni yahuahye tiquiro. ²⁷ “Ahri yehpa ñuhmigū ihcā tahata ye nemoutja”, nino, ijipihiyere tiquiro bajumehnedire tiquiro cohātire masigū yero niahe. Cohācj̄ p̄htoro ijirop̄re cohāno basioerare. Sa yero tiquiro bajumehnedire cohāgū tiquiro p̄htoro ijiro dihita tojoarota. ²⁸ Tiquiro p̄htoro ijirop̄ wahanata mari. Sa yena tiquiro p̄htoro ijirore tiquiro

cohãedagũ ihñana, Cohãcjũre “Quehnoare”, niinha mari. Sa yena tiquirore ño peoye mehna, cua pesaro mehna tiquiro yere yeihna mari tiquirore bucuegũ yena tana. ²⁹ Peca ɯjũno cuaro saha Cohãcjũ gũhɯ cuaro mehna buhiri dahreriquiro ijire.

13

Ohõ saha Cohãcjũre bucuegũ yeya

¹ Mɯsa mehna cjẽnare cahĩ duhueracãhña. ² Masa mɯsa ihña masieñequina tiquina ijiepegũta tiquinare mɯsa wɯhɯsepɯ quehnoano mehna sajã ta dutiya. Apequina sa yeye, masiedapeta angelere tiquina ye wɯhɯsepɯ sajã ta dutiahye. Sa yena tiquina yero saha yeya mɯsa gũhɯ.

³ Peresupɯ ijiyequinare paja ihñaña. Mɯsa pehe tiquina mehna peresupɯ ijina mɯsa ijiboro saha tiquinare paja ihñaña. Apequina tiquina ñano yenhriquina gũhare paja ihñaña. Tiquina yero saha mɯsa gũhɯ ñano yɯhdɯboro saha tiquinare paja ihñaña.

⁴ Omoca dɯhterina ijipihtina mɯsa basi quehnoano cahme ño peoya. Sa yena apequina mehna ñano yeracãhña. Ijipihtiyequina numia mehna ñano yeyequinare, ɯmɯsa mehna ñano yeye numia gũhare buhiri dahrerota Cohãcjũ.

⁵ Niñerure ne cahĩedacãhña. Ohõ saha niahye Cohãcjũ: “Mɯsare ne cohãsi yɯhɯ. Mɯsare sa yedohoducugɯtja”, niahye tiquiro. Sa yena noho puno mɯsa cɯoye mehna to punota bucueya. Pajiro cahme nemoedacãhña. ⁶ Sa yena cuero marieno ohõ saha ni tɯhotunata mari:

Mari p̄h̄toro Cohācjū marine yedohoriquiro ijire.
Ne cuesi mari. Masa marine tiquina ñano
yeatire cuesi mari, ni t̄hotunata.

⁷ Cohācjū yere m̄sare yahuriquinare m̄sare
dutiriquinare wacūña m̄sa. Sa yena quehnoano
tiquina ijie tirire quehnoano tiquina yee tirire
wacūña. Sa wacūna, Cristore tiquina wacū tutu-
ariro saha yeya m̄sa ḡh̄.

⁸ Jesucristo ne comesaerare. Panop̄, yojop̄
ḡh̄re, camer̄ ḡh̄re tiquiro ijiriro sahata ijidu-
curota tiquiro. ⁹ Peye buheyere sijoro saha
ijiye buheyere t̄hoeracāhña m̄sa “Quehnoañe
buheyere us̄p̄ cohāri”, nina. “Ahrire ihyaya.
Ahrire ihyeracāhña”, ni buhere ihquēquina. Sa
tiquina ni buheyere mari ȳhtigū ti marine yedo-
hoerare. Sa yero sa ijiye buheyere mari yegū ihyo
warota ijire. Ti marine wacū tutuana ijigū yerare.
Cohācjū pehe marine wacū tutuana ijigū yere. Sa
yena tiquiro ye tutuaye mehna tiquirore wacū
tutuana ijiya m̄sa ḡh̄.

¹⁰ Cristo mari ñañe buhirire yariahye mari
ñañene cohāno taro. Pahia pehe ohō saha
niñequina ijire: “Wahiquina mari wejē ujūa m̄o,
mari ohoyequina mehna ȳhd̄nata”, niñequina
ijire pahia. Sa niñequina tiquina ñañe yerire
cohānohriquina iji masiedare. ¹¹ Mari judio masa
mari pahia p̄h̄toro Cohācjū ijiri tucū warop̄
diire ne sajāno wejē siteahye, masa tiquina
ñañe yerire cose wero taro. Sa yero tiquiro
wejēdiquiro wahiquiro pagare ti maca d̄ht̄
cahap̄ ujūa cohā cāre. ¹² Tiquiro yeriro saha
Jesu ḡh̄ maca d̄ht̄ cahap̄ yariahye, masa
tiquina ñañene tiquiro dii cohāno mehna cose

wero taro. ¹³ Maca dũhtũ cahapũ tiquiro yariagũ ihñañe, tiquina ye buheyere tiquiro cohãgũ ihñañe judio masa pũhtoa tiquirore ihña tuhtiahye. Sa yena mari gũhũ tiquiro mehna cjãna ijiihna. Mari sa ijigũ ihñañe, masa mari gũhare ihña tuhtieta. ¹⁴ Ahri yehpapũ mari iji dojoati maca ne mariedare. Mari camerũ ijiati macare cohtena niaja mari. ¹⁵ Sa yena Jesu yedohoro mehna mari Pacũ mehna yahuducuaaja mari. Sa yena tiquirore quehnoano sinihna. “Mũhũ usã Pacũ quehnoagũ, tutuagũ ijire”, ni, ño peoducuuhna. “Jesu yequina ijiaja”, ni, sa niña mari Pacũre. Mari sa nigũ tiquiro bucueroa. ¹⁶ Mũsa mehna cjẽnare quehnoano yeya. Sa yena tiquinare yedohoya. Tire boeracãhña. Mũsa sa quehnoano yena Cohãcjũre ño peona niaga mũsa. Sa yena tiquirore bucegũ yena niaga.

¹⁷ Mũsa pũhtoare quehnoano yũhtiya. Tiquina dutiro sahata yeya. Cohãcjũ ihña ihbo, buhe dutiro cũre mũsare tiquinare. Sa cũnohriquina ijiye mũsare sa ihña ihboducuye nine “Cohãcjũre yũhdũdũcari”, niñe. Camerũ mũsare tiquina dutirire, tiquina yerire Cohãcjũre yahueta. Sa yena tiquinare quehnoano yũhtiya mũsa. Mũsa sa yũhtigũ ihñañe bucueye mehna mũsare yedohoeta tiquina. Mũsa yũhtieragũ ihñañe tiquina bũjũa witieta. Sa yũhtierana quehnoano ijisi mũsa.

¹⁸ Usãre sini basaducuya Cohãcjũre. Decoripe quehnoañe dihitare ye duaja usã. Sa yena “Ñañene yena niaja”, ni tũhotueraja usã. ¹⁹ Ahri pũritare tutuaro sini basaya Cohãcjũre yũhare: Sojaro mehna mũsa cahapũ yũhũ wahatire tiquirore sini basaya.

Ahri pũre ojoariquiro quehnoa duti bato tiahye

²⁰ Cohãcjũ mari pũhtoro Jesure yariariquirore masoahye. Marine quehnoano ijigũ yeriquiro ijire. Tiquiro “Mũsare yũhdũoutja”, ni cũahye Cohãcjũ marine. Tiquiro sa ni cũrire yeriquiro marine yũhdũoriquiro Jesu pehe ijire. Mari ñaãe buhirire variahye tiquiro. Sa yero tutuariquiro ovejare ihña ihboriquiro yero saha ijiro, marine tiquiro yequinare quehnoano ihña ihbore. ²¹ Sa yero Cohãcjũ tiquirore masoriquiro mũsa gãhũre yedohoahro ijipihtiye quehnoañene tiquiro cahmeñene mũsa yeatire. Sa yero Jesucristo yedohoro mehna Cohãcjũ cahmeno saha ijipihinare marine quehnoañe pehere comesagũ yeahro. Sa yena ijipihtiye decori Cristore ño peouhna. Sata yeihna.

²² Yũhũ acaye, ahrire tutuaro mũsare duti-itja: Ahri pũpũ yũhũ yahurire quehnoano mehna tũhoya mũsa. Ahri mũsare yũhũ ojoari pũ pajiro ijierare. Sa yena ahrire quehnoano tũhoya.

²³ Ahri gãhũre mũsare yahutja: Mari acayũrore Timoteore peresu ijiriquirore wioñohti. Sojaro mehna tiquiro wihigũ mũsare ihñagũ wahagũ tiquirore neagũtja. Yũhũ mehna waharota.

²⁴ Mũsa pũhtoare, ijipihtiyequina apequinare Cohãcjũ yequinare topũ ijiyequinare quehnoa dutiaja. Italia cjẽna Jesu yequina gãhũ mũsare quehnoa dutire.

²⁵ Ijipihinare mũsare Cohãcjũ mehna quehnoa dutiaja.

Cohãcǔ Yere Yahuducuri Tju
New Testament in Piratapuyo (CO:pir:Piratapuyo)

copyright © 2011 Wycliffe Bible Translators, Inc.

Language: Piratapuyo

Translation by: Wycliffe Bible Translators, Inc.

Piratapuyo [pir], Colombia

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Piratapuyo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 21 Feb 2024 from source files
dated 29 Jan 2022
ad83cef1-6eb5-5233-a8f3-356e47bbda0d